

# ئۇبن تەيمىيە و داعش

تە حسين ئىبراھىم دۇسكى

## ب نائى خودايى مهزن و دلؤنان

كتيب: ئبن تهيميه و داعش

نقيسه: ته حسين دؤسكى

چاپا ئىكى دھوك ۲۰۱۶

چاپخانه: هاوار

بهرگ: فهرسه ت زويير

هژمارا سپارتتى ل پهرتؤكخانه يا بهدرخانبيان ل دھوكى (۲۰۳۵)

## ديارى

بۆ:

- ھەر ئىككى ئاي ب ھىجھەتا داعشى تيرىن خۆ يىن ژەنگى  
د كە قىرى ئىسلامى يى موكم وەر كەت..

- ھەر ئىككى ئاي نانئ خۆ يى كىفكۆبى ب ئاڭكا داعشى  
يا گەنى بخۆت..

دا بزانت كو رويى پۆژى ب بېژنكىن مترىان نائىتە قەشارتن  
يان پەشكرن!!



## پيشگوئين

ٽيڪ ڙ وان دوعاين پيغهمبهرى -سلاف لى بن- ڙ خودايى خو ڪرين، و خودى ٿو بؤ ب جه- نهئيناين، وهكى د ههديسهكا دورست دا يا سهعدى ڪورئ ٺهيو وهققاصى ڙئ ڦهدگوهيٽز، ٺهوه خودى ٺوممهتا وي ڦيڪرا بهرنهدهت<sup>(۱)</sup>، مهعنا: ڙ ڦهدهرا بؤ ڦئ ٺوممهتئ هاتيبه نقيسين ٺهوه ٺهو ڦيڪرا بجن، و دهم بؤ دهمى فتنه و ليڪكهفتن د ناقبهري دا پهيدا بت، بهلى ڙ ڪهره ما خودى د گهل ٺوممهتئ ٺهو بوييه وي ههز نهڪرييه ٺهف ليڪكهفتن و ڙيڪجودابوونه بته ٺهگهرا ڙ ناقچوونا ٺوممهتئ، د گهلهڪ قووناغئين ديروڪئ دا فتنهين دڙوار د ناف ٺوممهتئ دا پهيدا بوييه، و ڙيڪجودابوونين مهزن چيويونه، بهلى دهمهڪئ دريڙ پيڦه نهچوييه، ب بزاقين دلسوزان ڙ زانا و رييهرين ٺوممهتئ، ٺوممهتئ جارهكا دي سلامهتيا خو ڦهگهپراندييه، و بهردهوامى دايه ڪاروانى خو و قهستا ٺارمانجا خو يا ههروههر ڪرييه ڪو به لاڦڪرنا روٺاهيا خودييه.

و ديروڪا كهفن و يا نوى يا ڦئ ٺوممهتئ بنههڪرييه ڪو خرابترين پهنگئ ڙيڪجودابوونئ ٺهو بوييه دهمى دهستهڪهڪا چهڪدار پهيدا دبت، ڙ ريڪا راست لاددهت، و د گهل هندئ ڙي هزر دڪهت ٺهو يال سهر راستهريٽيا خودئ، و ٺوممهت ههمى -ڙ بهر هندهڪ گونهه و ڪيماسى و لادانان- يا ڙ ريڪا خودئ دهركهفتئ، و ڪافربوى، و موصيهت هيشتا دڙوارتر لئ دئيت دهمى هندهڪ

---

(۱) موسلم (۷۴۴۲) ڦئ ههديسى ڦهدگوهيٽز.

دلین تژی کهرب و کین و هندهک دهستین فهشارتی ل پشت پهردهیی رهشی نهیارهتییای قئی ئوممهتی، ب دزی فه، دئینه درتژکرن دا ئاگرئ فتنی و جودابوون و لیکنهفتنی زیدهتر گهش بکن.. وهکی ل قئی دووماهییی د گهل پهیدابوونا فتنا (داعشی) چیبووی.

و مه گۆت فتنه دهمی یا ب قئی پهنگی بت دژوارتره؛ چونکی سهرین فتنی دهمی خو دیندار دینن، و هزر دکهن بهرهقانیا ژ ئیسلامی ب تنی یا مایه ب هیثیا وان فه، و ژ بلی وان ههر کهسهکی ههبت نهگهر چهند یی باش ژی بت -مادهم بهیعه نهاده وان- کافره، خرابیا وان ل سهه ئیسلامی و موسلمانان ژ یا ههر ئیکی دی مهزنتر لی دئیت، زانایی مهزن (شیخ الإسلام ابن تیمیه) د گۆتهکا خو دا بهحسی هندهک ژ فان پهنگه فتنهچیان دکته، کو خهوارجن، و دپیژت: ((کهسهکی ژ وان خرابتر بو موسلمانان نینه، نه جوھی و نه فهله؛ چونکی نهو بو کوشتنا ههر موسلمانهکی نه د گهل وان بت گهلهک دمجدن، خوینا موسلمانان هلال دکهن، و مالی وان ژی، و کوشتنا زارۆکیین وان دورست دینن، و وان کافر دکهن، و ژ بهر نهزانینا وان یا مهزن و بیدعهیا وان یا ریکی ل بهر وان بهرزه دکته، نهو هزر دکهن نهقه دیندارییه..))<sup>(۱)</sup>.

و زانایی ناقدار ئبن کهثیر د دیرۆکا سالا (۳۷) مشهختی دا دهمی بهحسی کوشتنا ئیمام عهلی بو خهوارجین فتنهچی دکته، دپیژت: ((خیرهکا مهزن د قئی چهندی دا بو وی و بو خهلهکی شامی ژی ههبوو؛ چونکی نهگهر نهو ب هیژ کهفتبان نهوا دا عهردی ههمیی خراب کهن، عیراقی و شامی ژی، و

---

(۱) ابن تیمیه: منهاج السنة النبویة، (۵/۲۴۷).

وان زاروکه‌کی کور یان کچ و زهلامهک و ژنهک نه‌دهیلا، چونکی مرۆف هه‌می ل نک وان ییتن فاسد بووین، فه‌ساده‌کا وه‌سا ژ بلی کوشتنا وان ب گشتی تشتهک وان دورست ناکه‌ت))<sup>(۱)</sup>.

ئه‌فه حالی خه‌وارجین که‌فن بوو، ئه‌وی به‌حسی وان ئه‌م د کتیبین دیرۆکی دا دخوینین، و خه‌وارجین نوی ئه‌وین ل هه‌ر جهه‌کی و هه‌ر جاره‌کی نا‌قه‌کی نوی ل سه‌ر خو ددانن ئه‌م کربارین وان ب چا‌ف دبینین.. به‌لی جهی مخابینی ئه‌وه ئه‌م دبینین دو ره‌نگین مرۆشان ب فان ده‌سته‌کین رپه‌ره‌زه د سه‌ر دا دچن:

- هندهک ژ سادیی و نه‌زانین و عاطفه‌یا خه‌له‌ت هزر دکهن ئه‌ف رپه‌ره‌زه جیهادی د ریکا خودی دا دکهن، و ئالایی ئیسلامی بلند دکه‌ت، و د گهل وان خه‌له‌تیبین وان هه‌ین ژئ ئه‌و ژ وان چیترن یین هه‌فرکییا وان دکهن.. و ئه‌فه ده‌رگه‌هه‌کی ب ترسه شه‌یطان به‌ری نه‌زانان ده‌ته‌ی دا ئه‌و پی ژ ریکا راست به‌ره‌زه که‌ت. ژ به‌ر قی چهن‌دی بوویه پیغه‌مبه‌ری -سلاف لی بن- د گه‌له‌ک گو‌تین خو دا ئه‌م ژ هندی داینه پاش کو ب (دینداریا سه‌ر‌قه) یا وان ده‌سته‌کان نه‌ئیبینه خاپاندن ئه‌وین دی د ناف ئومه‌ته‌ی دا ده‌رکه‌فن، و ژ ریکا دورست ده‌رکه‌فن، د گو‌ته‌کی دا پیغه‌مبه‌ر -سلاف لی بن- دبیرت: ﴿إِنَّ فِيكُمْ قَوْمًا يَّعْبُدُونَ وَّيَدَّأْبُونَ، يَعْنِي: يُعْجِبُونَ النَّاسَ وَتُعْجِبُهُمْ أَنْفُسُهُمْ، يَمْرُقُونَ مِنَ الدِّينِ كَمَا يَمْرُقُ السَّهْمُ مِنَ الرَّمِيَّةِ﴾ د ناف هه‌وه دا هندهک هه‌نه (مه‌خسه‌د: دی هه‌بن) هند عیباده‌تی دکهن، هه‌تا خه‌لک ب وان موعجب دبن، و ئه‌و ژئ ب خو موعجب

---

(۱) ابن کثیر: البداية والنهاية، تحقيق عبد الله التركي، ط دار هجر، ۱۴۱۸ هـ

(. / ۱۰ - ۵۸۴ - ۵۸۵)

دېن، ژ دینى دهر دکهفن کانى چاوا تير ب لهز نارمانجى دسمت و ژى دهر دکهفت<sup>(۱)</sup>. مهعنا: عيبادهت و دیندارييا وان يا زبده چو مفایى ناگههینته وان، چونكى رپکا ئەو ل سەر دچن نه ئەو رپکه يا پیتغه مبهەر -سلاف لى بن- پى هاتى.

- وهنده کتین دى ژ دلرەشى و فیتلبازى و نهقیانا خو یا زبده بو ئیسلامى خەلکى وه تى دگههینن کو ئەو کارى ئەف دەسته کتین رپتبه رزه دکهن ب دورستى ئەوه يا ئیسلام پى هاتى، و ههما کارى پیتغه مبهەرى و صهحابیيان ژى هەر ئەفه بوو، و دا کو ئەو قى درهوا خو یا مهزن بیتخنه سهرى نه زانان، دى رابن وهكى کتیرگولوکى چى پيساتى و درهوهکا د کتیبین کهفن دا هاتیبه نقیسین ب دفنا خو پالدهن و لیکنه، و د دهزگههینن راگههاندی دا یین کو ئەو ب هونهرى درهوى ب رتفه دهن، بهلاف کهن، پشتى کو هندهک کهسین سهروچاڤ پیتچای و ل پشت (لهقههینن ئەبوو فلان ئەلعراقى یان ئەلمصرى یان ئەلشامى) فهشارتى ب فلمین خو یین د مونتاچى دا مونافهسا فلمین هولىوډى دکهن، هارى وان دکهن..!

و ئەگەر مهسهله ل قیبرى ژى راوهستیا با دا یا سثک بت، بهلکى ئەو هیدی هیدی ب دیروکا ئیسلامى دا دئین و دچن، و کارى بو هندی دکهن بهرپه رپهکى پاقر نههیلن ئەگەر ب کینا دلئ خو رپهش نهکهن، و زانایهکى نههیلن ب تاییهتى ئەوتین بهرى خەلکى دایه ئیسلاما پاقر و دویر ژ رپک و رپبازین بیدعهچى و سهرداچووى، ئەگەر وى ب تیرۆر و توندپهوى و هوقاتییبى سالوخ

---

(۱) ئەحمەد (۱۲۹۷۲) ژ ئەنەسى فه دگوهیتت.



نه‌دهن، دا هیجته‌تی بدهنه وان یین کار د دهستان دا کو هزر و بیرین فان زانایان ب زنجیران قه‌یدکه‌ن، و نه‌هیلن بگه‌هنه سهر و دلین خه‌لکی.

و باشت‌رین نمونه ل سهر قی چهن‌دی ئه‌و ره‌شه‌پیل بوو یا مه‌دیتی د گه‌ل په‌یدابوونا فتنه‌چیپین (داعشی) ژ لایه‌ هنده‌ک که‌سین (فه‌شارتی) و هنده‌کین (ئاشکه‌را) هاتییه‌ راکن دژی وان زانایین ئومه‌ته‌تی یین به‌ری خه‌لکی دایه‌ مه‌نه‌جی کیتاب و سونه‌ته‌تی، بگره‌ ژ ئیمام ئه‌حمه‌دی حه‌تا تو دگه‌هییه‌ ئه‌لبانی و ئین باز و عوشه‌یمینی، د گه‌ل ئین ته‌یمیه‌ و ئین قه‌یم و محمه‌ده‌ی کورپی عه‌بدلوه‌ابی.. فان زانایان یین هزر و بیر و نفیسینین وان وه‌کی ستریه‌کی لی هاتین و ماینه‌ د گه‌رویا ده‌سته‌کین خه‌وارج و بیده‌چی و و دوژمنین راسته‌پریا خودی را.

ئه‌ف که‌سه‌ ب هه‌می هۆنه‌رین دره‌وی و ره‌نگین ته‌حریف و وه‌سادان و خاپاندنی هاتنی، دا خه‌لکی وه‌ تی بگه‌هینن کو داعش و هه‌ر تیره‌کا هه‌بت فیقیی و ی داریه‌ یا ب ده‌ستی فان ره‌نگه‌ زانایان هاتییه‌ چاندن، به‌لی وه‌رسی دره‌وی یی کورته‌، و ئه‌و دهم نه‌ما هزر ب کلیان بیه‌گرتن، و هه‌ر په‌ره‌کی کتیبین فان زانایان ئه‌وین د دهر و بانان دا دئینه‌ خوار، و که‌فتینه‌ سهر ئامیره‌تین کۆمپیوته‌ر و موبایلان ژی ده‌لیل و شاهده‌کی ئاشکه‌رایه‌ کو ئه‌و دبه‌رینه‌ ژ هه‌ر گازیه‌کا مه‌نه‌جی کیتاب و سونه‌ته‌تی پی لی بدانت، یا ربه‌دریژ و ده‌لنگ کورت بت، یان ژی یا ب قاط و رباط بت!!

و د قی نامیله‌کا بچویک دا دو نفیسین ل دۆر قی مژارا ژیتگۆتی مه‌ به‌ره‌ه‌فکرینه‌:

ٲٲك: ل دؤر زانايٲ مهن (شٲخ الإسلام ابن تٲميه) يٲ حهر رانيه،  
 ئهوي داعش و هندك كهسٲن دي ژي ب هيجه تا داعشي كار بو (تهشويها)  
 وي كرى، ههر ئٲكي ب ريكا خويا تاييهت، مه فيا خواندهقانان ل هندك  
 راستييان ئاگهدار بكهين دا ئه و ب گؤننٲن بيٲ دهليل نهئينه خاپاندين.

و نقشيسينا دويٲ: ل دؤر دهوري زانا و رهوشه نبيريٲ موسلماننه، دوير  
 ژ ئنمائا وي يا سياسي و هزري ل ده ميٲ فتنه د ناف ئوممه تيٲ دا دژوار دبت،  
 وه كي ده ميٲ مه يٲ نوكه، كانيٲ چاوا ديٲ ههلويسته كيٲ دورست وه رگرت، و  
 خؤراگرتي مينت بيٲ ببتنه دويلكي ههواران.

هيشييا مه ژ خودايٲ مهن ئه وه ئه و مه و ملله تيٲ مه و هه ميٲ  
 موسلمانان ژ فتنه و گرفتاريان بپارٲزت.

ته حسين دؤسكي

ٲٲ / شهووال / ٲٲٲٲٲٲ

**نُجُن تَهِيْمِيه و دَاعِش**



## رِيحُ شُكْرٍ:

ئیک ژ وان تشتین دینی ئیسلامی ژ دینین عهسمانی یین بهری خو جودا دکهت نهوه خودی ب خو کهفاله تا پاراستنا ژ یدره ری سهره کی یی ئیسلامی کو قورئانه (و سوننهت تمامکه ره بو وی) کرییه، و نهوه نه هیلایه ب هیقییا مه فه<sup>(۱)</sup>، ده می گوتی: ﴿إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ ﴿۱۰﴾﴾ (الحجر: ۹)، نه وه کی کیتایین بهری نهوین پاراستنا وان خودی هیلایه ب هیقییا دویکهفتییین وان فه ژ تیگه هشتی و زانایان، وه کی گوتی: ﴿إِنَّا أَنْزَلْنَا الْقُرْآنَ فِيهَا هُدًى وَنُورًا يَحْكُمُ بِهَا النَّبِيُّونَ الَّذِينَ أَسْلَمُوا لِلَّذِينَ هَادُوا وَالرَّبَّنِيُونَ وَالْأَحْبَارُ بِمَا اسْتُحْفِظُوا مِنْ كِتَابِ اللَّهِ﴾ (المائدة: ۴۴) و نهفه نه گهرا سهره کی بوو د پشت مانا قورئانی را پاراستی، ههر چهنده پیلانین دوژمنان گهلهک جاران هند دمهزن بوون کو نیریک بوو چیا ژ بهر بهه لیین!

د گهل هندی ژ ییغه مبهه -سلاف لی بن- د هه دیسه کا خو یا دورست دا ئاشکه را دکهت کو ئیک ژ گرنگترین ئامیره تین خودی دینی خو پی دپاریزت، زانایین دینینه، ده می دپیرت: ﴿يَرِثُ هَذَا الْعِلْمَ مِنْ كُلِّ خَلْفٍ عُدُولُهُ، يَنْفُونَ عَنْهُ: تَأْوِيلَ الْجَاهِلِينَ، وَاتِّحَالَ الْمُبْطِلِينَ، وَتَحْرِيفَ الْعَالِينَ﴾<sup>(۲)</sup> به لی وه کی هه دیس ئاشکه را

---

(۱) ههر چهنده مهعنا فی نهو نینه نهه کاری بو پاراستنا وی نهکهین، و بیژین: مانئ نهفه تشتهکه نهمایه ب هیقییا مهفه.

(۲) بهیههقی ژ ئیبراهمی عوذری فه دگوهیزت، بهری خو بده: (السنن الکبری ۱۰ / ۳۵۳).

دکته نه ههر کهسه کی کراسی زانایان بکه ته بهر خو، ههژی قی شهرفا مهزن دبت: شهرفا پاراستنا قی دینی، بهلکی ب تنی بین عادل ژ وان قی چهندی دکهن، ههر وهسا ههدیس ناشکهرا دکته کو ئهف رهنگی زانایان د ناف ههر جیبه کی دا دئ ههن، و ئهو بهرانبهر سی رهنگین دوزمنان رادوهستن: مرؤقین جاهل بین راستییا دینی نزانن قیجا دینی ب رهنگه کی خهلهت تهئویل دکهن، و مرؤقین (موبطل) ئهوین نههقیبی دخوازن ودقین ههقیبی ل بهر خهلکی بهرزه کهن، و ئهقه وهکی بین بهری خو د خسیم و نهزان نینن، لهوا چه کی وان د نهیاره تیبا دینی دا -وهکی ههدیس دبیت- ننتحاله، و ننتحالا وان ئهوه ئهو ب ناقی دینی تشنان ل دینی زیده دکهن دا دینی ژ ناف دا خراب بکهن، و بین سییی مرؤقین توندکارن ئهوین (غولووی) د دینی دا دکهن، یهعنی: زیده ب ناف دینی دا دچن، و دینی خودی یی ب ساناهی ل بهر خهلکی ب زحمهت دئخن، و چه کی فان د نهیاره تیبا دینی دا (تهحریفه)، و بهلکی ئهف رهنگه ژ ههردویین بهری خو پیستر و خرابتر بن؛ چونکی چه کی وان دژوارتره.. چاوا؟

رهنگی ئیکی دنهزانن، و نهزانین چهند خو ل بهر خهلکی بخهملینت زی، زوی ناشکهرا دبت، و گاغا زانین و زانا هاتنه مهیدانی نهزانین و نهزان وهکی بوبکا بهفری ل بهر چاقین خهلکی دحهلیین..

رهنگی دویی پشتهفانین نههقیبینه، و ئهو چهند خو ل پشت پهردهیی ههقیبی قهشیرن ههر دئ ناشکهرا بن، چونکی وهریسی درهوی یی کورته، و درهوین فراقینه کی دخوت..

بهلې رهنګې سيپې ژ دین دوزمنان ددژوارن، ژ بهر کویا ب ساناھی نینه  
 ل بهر عامیبیان نهو وان ل سهر راستییا وان بنیاسن، بوچی؟  
 چونکی نهو د کراسې دینداریبې دا خو نیشا خه لکی ددهن، و نه ههما  
 دینداریبیه کا عهده تی ژی بهلکی دینداریبیه کا زیده ی عهده تی، یا کو خه لکی  
 عامی حسیب دکهن (تهقواداری) و (دیندارییا دورست)، و ل قییری دهوری  
 زانایان ب زهحه مت دکهفت، بوچی؟

چونکی لایې بهرانبه ر یې (نهزان) نینه، و روی ب روی (دورمنی دینی)  
 ژی نینه، بهلکی هند ل دینی یې مجده هتا زیده ب ناٹ شه دچت، و  
 (غولووی) تیدا دکهت، و هزر دکهت ههر ئیکې وهکی وان نه بت دینی وی یې  
 سسته.. و ل قییری کاغهز تیکه ل دین -وهکی دئیته گوتن- و خه لکی عامی  
 ریکې ل بهر خو بهرزه دکهن، و ل قییری دهوری زانایین عادل دئیت.

و ژ حرصا پیغه مبه ری خودی -سلاٹ لی بن- ل سهر هندې کو ریک  
 ل بهر مه بهرزه نه بت، و نه م ب (گوٹنا دهقی) و (طوقوسین شه کلی) د سهر  
 دا نه چین، وی د گه لهک حه دیسین خو دا ته رکیز ل سهر هندې کرییه، کو نهو  
 سهر داچوویتن وهکی تیری ژ دینی دهر دکهفن، هندهک مرؤقین بی دین و کیم  
 عیبادت نینن، و نهو نه هندهک مرؤقین نه زانن ب کیتاب و سوننه تی، و  
 بهلکی دوزمناتییا دینی د دلین وان دا نه بت، چونکی نهو هند نقیژ و روژی و  
 کارې چاک دکهن کو یې صه حابییان ل بهر یې وان چو نه بت، و نهو قورئانی  
 ژی گه لهک دخوبنن، بهلې د گه ل فې همیبی کار و گوٹنن وان د واقعی دا  
 ل دینی دقولپن، و ب رهنګه کې سه لپی لی دزقرنن، و چ نهو پی بحه سیپن یان

پئی نهحسبیتن نهو دژوارترین دربی ل دینی ددهن: ﴿يُخْرِجُ فِيكُمْ قَوْمٌ مِّنْخَقْرُونَ صلاتکم مع صلاتهم، وصیامکم مع صیامهم، وعمَلکم مع عملهم، ویقرؤون القرآن لا یجاوز حناجرهم، یمرقون من الدین كما یمرق السهم من الرمیة﴾<sup>(۱)</sup>.

و گرفتاریا وان یا مهزن نهوه نهو ب قورئانی د سهر دا دچن.. بهلی ب قورئانی! و بهلکی نهف گوتنه ل بهر گلهک کهسان یا غریب بت، و بیژن: چاوا نهو قورئانا هاتی دا بیته رینیشاندر هندهک پی د سهر دا بچن؟

پیغه مبهر -سلاف لی بن- د گوتنه کا خو دا بهحسی وی دوزمنی دکهت بی نهو ژئی دترست ل سهر مه و دبیزت: ﴿إِنَّمَا أَخَوْفُ عَلَيْكُمْ رَجُلٌ قَرَأَ الْقُرْآنَ، حَتَّى إِذَا رُئِيَ مَبْجُتُهُ عَلَيْهِ، وَكَانَ رِدْنًا لِلْإِسْلَامِ، غَيْرُهُ إِلَى مَا شَاءَ اللَّهُ، فَانْسَلَخَ مِنْهُ، وَبَدَّهَ وَرَاءَ ظَهْرِهِ، وَسَعَى عَلَى جَارِهِ بِالسَّيْفِ، وَرَمَاهُ بِالشُّرْكِ﴾ قال: قُلْتُ: يَا نَبِيَّ اللَّهِ أَيُّهَا أَوْلَى بِالشُّرْكِ الْمَرْمِيٍّ أُمِّ الرَّامِيِّ؟ قال: ﴿بَلِ الرَّامِيِّ﴾<sup>(۲)</sup> مهعنا: نهو هند قورئانی دخوینت هتا کوگه شاتیبا وی ل سهر وی دئیته دیتن، و هتا نهو ل نک و د چاقین خه لکی ژئی دا دبتنه پهژان بو ئیسلامی، بهلی چونکی دینداریبا وی ل سهر بناخیه کی موکم نه هاتیبه دانان، دهمهک ب سهر وی دا دئیت نهو ئیسلامی ژ بهر خو دکهت، و دهاقیتنه پشت خو، و ئیکه مین و دژوارترین نهجامی شی لادانا وی نهوه نهو جیرانی خو ب شرکی تاوانبار دکهت.. و بوچی هه دیسی گوت: جیرانی خو؟ چونکی نهو نیزیبترین کهسه بو وی، بی کو دقیت نهو وی باش بنیاست،

(۱) بوخاری ژ نهبو سهعیدی خودری فه دگوهیتز، ل بن هژمارا (۵۰۵۸).

(۲) ابن حبان ژ حوده یفه ی فه دگوهیتز، (۲۸۲/۱).



و بزانت کو ئه و نه (موشرکه)، بهلی لادان و (ئحرفا) وی ژ رپکا درست  
ئهوه بهری وی ددهته قی چه پدانا ب ترس و خراب..

### (ئستدلالا مونحرفا!):

و ئیک ژ بهرچاقتربین پرویین ئنحرافی ل نک فان مروشان، ب تایبهتی  
ل دهمی مه یی نوکه ئهوه هتا ئهوه (باطلی خو) د هزرا خه لکی را دهرباس  
بکهن، و چونکی رپبازا وان یا ئه صلی ئنحرافه، و ژ بهر دویرکهفتنا دهسته کا  
مهزنترا ئوممه تی ژ ژیدهرین وان یین دینی و تورائی وان یی علمی، ئهف  
مونحرفه د ئهده بییاتین خو دا پالدهنه سهر (ئستدلالا مونحرف) و مه خسه دا  
مه ب ئستدلالا مونحرفه ئهقهیه: ئیک ژ وان دهمی کاره کی دکهت، و هتا  
ئهوه خو و خه لکی ژی ب دورستییا قی کاری قانع بکتهت، ئهوه رادبت هندهک  
دهقین شهرعی ژ قورئانی و سوننه تی، و ژ گوتنا زانایین موخته بهر دئینت،  
بهلی پشتی ئهوه وه ربادان و ئنحرافی دئیکختی:

- ب ئینانا وان نه ل جهی وان یی درست.

- یان ب وه ربادانا مه عنایا وان.

- یان ژی ب که زاختن و کیمکرن و برینا ئاخفتنی ل دویف دلی خو.

و ئهوه ب قی کاری خو یی نه د ری دا، زیانه کا دو لایی پهیدا دکهن،  
ئهگهر زانا بهرانبهر وان ب دهوری خو یی شهرعی رانه بن، ترسا وان ل سهر  
ئوممه تی ب گشتی زیده دبت، و ئهوه ههردو لا ژی ئهقه نه:

۱- بهر یخودانا خه لکی بو خودانی قی گوتنی یا ئهف مونحرفه بو خو

دکهنه دهلیل دئیتته گوهارتن، ئهگهر خو خودی و پیغه مبهری ژی بن، و د ئهجام

دا حوکمی وان ژی ل سهر وی دئیته گوهارتن، و باشتربن دهلیل ل سهر  
 قئی چهندی ئەو بوو یا مه ل قئی دووماهییی دیتی د رویدانا کوما (القاعدة) و  
 پشتی وان (داعش) دا پهیدا بووی دهمی وان پهنا برییه بهر (ئستدلالا  
 مونحهرف) دا کریتییین خو پی ل بهر خه لکی دورست بکهن، و مهسه له  
 گههشته هندی مه دیت گهلهک کهسان ب هیجهتا وان ئەزمان درپژی د دهر حهقا  
 قورئانی و سونهتی دا کرن.

۲- ئەو کهسی ب (ئستدلالا مونحهرف) رادبت، و خه لک ژی گهلهک  
 جارن، هزر دکهن ئەف کهسی دهلیلی دئینت، ههما قی کاری هه یی کریت  
 دکهت؛ چونکی ئەو دویکهفتنا خودانی دهلیلی دکهت، یه عنی: هندهک جارن  
 ئەو و گهلهک جارن خه لک هزر دکهن ئەگهر قئی ئایهتی یان قئی حه دیسی یان  
 قی زانایی ئەف گۆتنه نه گۆتبا، قی مونحهرفی هه ئەف کاری هه یی کریت  
 نه دکر. قیجا مادهم هوسایه مهعنا تاوانا دورست تاوانا ئایهت و حه دیس و وی  
 زاناییه، ئەون ژیدهر و پالدهرین ئەصلی یین ئەف ئنحرافه پهیدا کری، قیجا یا  
 دورست ئەوه ئەم بهری ئفهنگا کهربا خو بدهینه قورئان و سونهت و زانایین  
 ئیسلامی، نه کو فان کهسین مونحهرف چونکی ههما ئەو هندهک ئامیرهتن بو  
 ب جهئینانا وی تیرۆری یا ئیسلام بهری خه لکی ددهتی! و د رویدانا داعشی دا  
 مه ب ئاشکه راییی دیت گهلهک کهسین ههتا ئەفرۆ کهربا ئیسلامی د هناقین خو  
 دا شه دشارت، ب هیجهتا داعشی ئاشکه را کر، و گۆتن: ههما ئیسلاما دورست  
 ئەوه یا داعش ب جه- دئینت.

و ل څيړي بهلکي پسيارهک بيتهکرن: بوجي هر دههکي ئەف مونحهرفه  
د ديوړکي دا پهيداووين، وان وهسا خو نيشا خهلکي دايه کو ئەو دويکهفتنا  
کورئانې و سوننه تي و زانايين موجتههدين ئيسلامې دکهن؟ و دهليلين خو  
(ب ئستدلالهکا مونحهرف وهکي مه گوټي) ژ فان هر سې ژيدهران وهردگرن؟

د بهرسفي دا دي بيژين: هر کهسهکي ئيسلام ب دورستي نياسی بت،  
دي زانت کو ئەو ل سه ر دو بناخهيين رهسەن يا ئاڅاکرييه، کيتاب و سوننهت، و  
ب تنې زانايين موجتههد و موعتهبهه نوينهراتيبا ئيسلامې دکهن، و دشين  
ب ناڅي وي باخفن، نه مروڅين سياسي و نه ژي سهروڅين کوم و پارت و  
دهستهکان، ژ بهر څي چهندي هر ئيکي د ديوړکي دا څيا بت عامييان  
ب بوجوونهکا خو قانع بکهت، يان ژي ههز کريت خهلکي وه تي بگههينت کو  
ئهو يي دورسته، وي کار بو هندی کرييه دهليلهکي ژ فان رهنکه زانايان  
ب دهست خو بيخت، و چهند ئەف زانايه ل نک خهلکي پتر يي مهقبول بت،  
و گوټنا وي پتر جهې باوهري بت، ئەو دي کاري بو هندی کهت خو بگههينتي  
ئهگه ر ئەو يي زيندي بت، يان ژي خو ب گههينته کتيب و فهتوايين وي ئەگه ر  
ئهو يي مري بت، دا ئەو پتر شهريعيبه تي بدهته بوجوونا خو، و خهلکي ب لايي  
خو څه بکيشت، وهکي مهسه لا پارتين سياسي و دهسنيشانکرنا بهرېژيران بو  
هلبژارتنان!

و ئيک ژ مهزنترين زانايين ئيسلامې يين ژ کهفن دا څي بگر و څهکيشي  
ژي گرتي ئبن تهيميهيه، لهو مه دڅيت ل څيړي وي وهک نمونه ل سه ر څي

دياردئى ھلبژتيرين، و بهحس ژئ بکھين، دا بزائين کانئ چاوايه دەمئ زانا دکهښنه ناڅبهرا (کهربا کينداران) و (تهحريفانهزانان).

### ئبن تهيميه و بيئختييين کهښنهوئ:

مه نه ل بهره ل څيرئ بهحسئ ديروکا ئبن تهيميه و بهرهههئ وئ وئ يئ بهرفرهه بکھين، چونکئ ئهه بابتهئ څئ پهيقا مه نينه<sup>(۱)</sup>، بهلئ هتا گوتتا مه يا ناشکهرا بت، پيتڅييه بيژين: ئبن تهيميه ئهه ل سالا ۶۶۱ مشهختئ (۱۲۶۳ ز) ل باژيرئ ههراڼئ ل باکوورئ کوردستانئ هاتيبه سهه دنيايئ، و ل سالا ۷۲۸ مشهختئ (۱۳۲۸ ز) ل باژيرئ ديمهشقي چوويه بهه دلوقانييا خودئ، ل دهههکئ ژيابوو ژ گهلهک لايان څه وهکئ وئ دههه بوئ يئ ئهه نوکه تيدا دژين، لهه گهلهک ژ نفيسينين وئ دههه مروښ دخوبنت مروښ هزر دکهت ئهه ل دههه مه يئ نوکه بين هاتينه نفيسين:

ئهه ل زهمانهکئ ژيابوو گوهورينهکا بهرچاڅ ل سهه نهخشهيا سياسي يا جيهاانا ئيسلامي پهيدا بووبوو، دهولهتا عهباسيان ئههه د گهل لاوازي و بي سهه و بهرييا خوځ ناڅئ خيلافئ دئاخفت، ب دهستئ نهيارين بياني و هندهک دويقهلانکين وان بين خزباني هلوهشيا، و ل سهه هژمارهکا دهولهت و ميرگههين لاواز و ليککهفتئ هاته ليکڅهکرن، و جيهاانا ئيسلامي بهردهوام تويشي دو هيرشين دژوار دبوو: ژ مهغولوييان ژ روژهلتي څه، و ژ فرهنگان ژ روژئاڅايئ څه، و ههردو لايان دڅيا ههبوونا موسلمانان بکهنه نارمانج.

---

(۱) ههچيئ ئهه چهنده بڅيت دشيت ل کتتبا مه (د گهل مروڅين خودئ) بزڅرت، ل وئيرئ مه ئهه زانايه ب بهرفرههئ يئ دايه نياسين.

ژ لایئ هزری شه: مهزهبییه تا بهرته نگ و موته عه صصب، و صوو فییه تا فهلسه فی و سلبی، و فهلسه فه و مه نطقئ یونانی، دهوره کئ مه زن د به لا قکرنا هسکاتی و جموودا هزری دا هه بوو، هه تا نئزیک بوو مه نه هجئ کیتاب و سوننه تی د سه ری موسلمانان دا بیته تشته کئ بیانی و غه رب.

و ژ لایئ عه قانندی شه گه له ک ری و ری بازین بیده چی کاره کئ ناشکه را و بهر دهوام د لاوازرنا چه په ری ناقه خوی یئ موسلمانان دا دکر، ب ری کا نه یاره تییا مه نه هجئ سوننه تی، و دانا وه لائی بو هزر و بیرین مونه رف، دا نه و ببنه پیگوهوړک بو باو دریا ئیسلامی یا زه لال، نه و صه حبا بیان ژ پیغه مبه ری -سلاش لی بن- شه گوهاستی.

و نئزیکه بیژین: ئبن ته میمه زانایئ ئیکانه یئ سه رده می خو بوو، د شان هه می چه په ران دا خه بات کری، و د دهرس و خوتبه و کتیبین خو دا به ره قانی ژ مه نه هجئ سوننه تی کری، بیی گه فین ترساندن و گرتن و نه فیکرنی وی پاشدا بیهن، یان سست کهن، و بزاقا مرؤقی چهند یا خورتر بت هه سوید و نه یارین مرؤقی ژی زیده تر لی دئین.

و کریتترین چه کئ نه هه زین ئبن ته میمه ی دژی وی ب کارئینای، هیشتا د ژبانای وی دا و هه تا نه هه رؤ ژی پیژادانا بیبه ختیان بوو، ب ری کا ته حریفکرنا گوئین وی، ب وان هه ر سی ره نگین ته حریفی بین مه به ری نوکه ئیشاره ت پی دای: ئینانا گوئنی نه ل جهی وئ یئ خودانی لی گوئی، یان شرؤقه کرنا وئ ب ره نگه کئ نه یئ دورست، یان ژی برین و که زاختنا ئاخفتنی دا ئارمانج ژئ بیته گوهارتن. و یا ژ قئ ژی کریتتر نه و بوو، نه یارین ئبن ته میمه ی -پیخه مه ت

کریترکنا وی د چاڅین خه لکی دا- هندهک دره وین سؤر ب سؤر یین خؤل سهر  
وهريسان نه گرن! ب دویف شه دنان.

و نمونه ل سهر فی چهندي گه لکن، نهزل فیري دو نمونه یان ب تنی  
دی بو هوه شه گپرم، ئیک یا کهفن و ئیک یا نوی، و یین دی ژي هه مییان  
ب فی رهنگی قیاس بکن.

### یا ئیک:

ل وی ده می ئبن ته میه ی ئیساتا صیفه تین خودی نهوین د کیتاب و  
سونه تی دا هاتی دکرن، بی (ته ئوبل و ته عطیل و ته شبیه) هه فیرکین وی نهو  
ب (ته شبیه و ته جسیمی) گونه هبار دکر، دا وی د چاڅین خه لکی دا بشکینن،  
نه گهر خو نهف چهنده ب ریکا بیبه ختیبی ژي بت، یان دره وهکا ئاشکه را، و نهفه  
بو هوه نمونه ک:

گه رۆکی ناقدار (ئبن به طوطه)<sup>(۱)</sup> ده می به حسی چوونا خو بو دیمه شقی  
دکهت، دبیرت: ته قیبه ددین ئبن ته میه ژ فه قیبه تین حنه لیبیان یین مهزن بوو  
ل دیمه شقی، و خه لکی دیمه شقی نهو گه لکهک مهزن ددیت.. و پشتی شه گپرینا  
چهنده گوتنه کان دبیرت: ل دیمه شقی نهز نه یینی ل نک وی ناماده بووم، وی  
ل سهر مینبه را مزگه فتی وه عز دکر، نهو دره ده کهک ژ مینبه ری هاته خوار، و  
ژ ناخفتنا وی نهو بوو وی گوت: وهکی فی هاتنه خوارا من ژ منبه ری خودی

---

(۱) ابن بطوطة، محمد بن عبد الله الطنجي: تحفة النظار في غرائب الأمصار  
وعجائب الأسفار، أكاديمية المملكة المغربية، الرباط، ۱۴۱۷ هـ، ۱ /  
۳۱۶-۳۱۷.

ژ عهسمانی دئیته خوار، ئینا فهقیههکی مالکی یی کو دبیزنی: (ابن الزهراء) رابوو فه و خو نهرازی کر ل سهر ناخفتنا وی، هنگی خه لک ب وی فهقیههی وههاتن و ب نهعال و دهستان دانا وی ههتا شاشکا وی ژ سهری که تی..

و بیی ئەم خو و ههوه ژی بو دهستینین ب فهگوهاستنا ناخفتنن ئبن تهیمیه ل دۆر هه دیسا هاتنه خوارا خودی بو عهسمانی دنیا یی<sup>(۱)</sup>، هه ما بهسه بیژین: ئەگهر خودی قیا دره وکی ئاشکه را کهت نیشانین وی دده ته د گهل دا، ئبن

---

(۱) ئبن تهیمیهی کتیبه کا تاییهت ل دۆر شه رها وی هه دیسا هاتنه خوارا خودی هیه ل بن ناقی (شرح حدیث النزول) هه چییی بثیت بوچوونا وی ب تمامی بزانت دشیت لی بزقیرت، و کورتییا کتیبی د فان ریزکان دایه کو دهقی عه ره بی نه فهیه، ئبن تهیمیه دبیزت: ((ولهذا كان مذهب السلف والأئمة إثبات الصفات، ونفي مماثلتها لصفات المخلوقات. فالله تعالى موصوف بصفات الكمال الذي لا نقص فيه، منزّه عن صفات النقص مطلقاً، ومنزه عن أن يمثاله غيره في صفات كماله، فهذان المعنيان جمعا التنزيه، وقد دل عليهما قوله تعالى: ﴿قُلْ هُوَ اللَّهُ أَحَدٌ اللَّهُ الصَّمَدُ﴾ فالاسم الصمد يتضمن صفات الكمال، والاسم الأحد يتضمن نفي المثل كما قد بسط الكلام على ذلك في تفسير هذه السورة. فالقول في صفاته كالقول في ذاته، والله تعالى ليس كمثل شيء، لا في ذاته ولا في صفاته ولا في أفعاله، لكن يفهم من ذلك أن نسبة هذه الصفة إلى موصوفها كنسبة هذه الصفة إلى موصوفها. فعلم الله وكلامه ونزوله واستواؤه، هو كما يناسب ذاته ويليق بها، كما أن صفة العبد هي كما تناسب ذاته وتليق بها، ونسبة صفاته إلى ذاته كنسبة صفات العبد إلى ذاته)) بهری خو بو ده: شرح حدیث النزول، المکتب الإسلامی بیروت، ۱۹۷۷، ص ۱۰.

بهطوطه د کتیباً خو دا ئاشکھرا دکهت کو ئهو ل رهمهزانا سالا ۷۲۶ مشهختی گهشتبوو دیمهشقی، و زانایي مهزن ئبن کهثیری دیمهشقی یی شافعی -کو ئیک ژ شاگردهیین ئبن تهیمیه- د کتیباً خو (البداية و النهایة)<sup>(۱)</sup> دا ئاشکھرا دکهت کو ئبن تهیمیه ل شازدهی هه یفا شهعبانی ژ سالا ۷۲۶ مشهختی هاتبوو گرتن و قی جاری ئهو مابوو گرتی هتا ل بیستی هه یفا ذولقعهده ژ سالا ۷۲۸ د گرتیخانهیا قهلعی دا مری. یه عنی هه یفهکی بهری ئبن بهطوطه بگهته دیمهشقی ئبن تهیمیه هاتبوو گرتن و مهعه کرن ژ خوتبه و وه عطا و گوئنا ده رسان.. پشتی هنگی ئهو که سین دیرۆکا ئبن تهیمیه ی نقیسی هه می دبیزن: ئبن تهیمیه ده می وه عطا ل خه لکی دکر ل مزگه فتا خو ئهو نه دچوو سه ر مینبه ری، به لکی ل سه ر کورسیکه کی دروینشت و خه لک ل دۆرین وی کوم دبوو!

### یا دوی:

د کتیبه کی دا یا قی دووماهییی ل دهۆکی هاتییه چاپکرن، بو هندی دا خه لکی وه تی بگه هینت کو داعش به ره مه می هزرا ئبن تهیمیه ی و یین وه کی وییه، خودانی کتیباً خو یا تریکری ب هنده ک گوئنان هندی مروث گوئتی شک بکهت دی بیژت: ئهو بیبه ختی و دره وین ب شاخن<sup>(۲)</sup>، و ل قیری نمونه یه کی ب تنی نه ز دی ئینم؛ دا هوین بزائن وه رسی دره وی چه ندی کورته:

(۱) ابن کثیر الدمشقی: البداية و النهایة، ۱۲۳/۱۴ و ۱۳۵/۱۴.

(۲) وه کی بو نمونه ل بهر په ری (۴۳) دبیزت: (زانایین سه ر ده می ابن تیمیه ئهو باش دنیا سی و هوئشداریا بسلمانا دکر نه که فنه دا قین وی و هزر و



د بهرپهړۍ (۴۲) دا ژغی کتیبې و هتا خودانې کتیبې خواندهفانان قانع بکته کو ئبن تهیمیهۍ -وهکی داعشۍ- سہرا تشتین گہلہکین کیم فهتوا ب کوشتنا موسلمان ددا دبیرت:

(د پهرتوکا (الفتاوی الکبری) بهرگی (۲۲) لاپهړین (۲۳۵-۲۳۶) پیار ژ (ابن تیمیه) هاته کرن ل سهر کهسهکی کو دهنگی خو د ئیهتا نفیژی دا بلند دکته و تهشویسی دئیخته ناف بسلمانان دبیرت: دقیت د ئیهتې دا سوپاس بو خودې بلندکرنا دهنگی د ئیهتې دا نههاتیه فهگوهاستن ژ چ زانایین بسلمانان و نه پیغهمبهری وه کر به و نه ههفالتین پیغهمبهری و نه ئیمام و نه (سلف الصالح) و ههچی دبیرت نهفه دینې خودې یه و نه رکه دقیت شهربعهت

---

بوچوونین وی بین خهلت، بهلې وهابی و سهلهفیا ال سعود نهفه بو دهمهکی درتزه بسلمانان همیا دخاپینن و فان راستیان ل سهر وی فهدهشیرن و بهایهکی مهزن دایې و کر به شیخ الإسلام...) و ب راستی نهفه یاریکرنهکه ب عهقلنی خواندهفان؛ نهگه نه، چاوا وهابییان دئ نهو کرته (شیخ الإسلام) و بهری نهو بینه سهر دنیا یې ب پتر ژ پینجسهه سالان هندهک زانایین وهکی (ئبن کهشیر و ذههبی، و ئبن قودامه یې مهقدسی، وبهزار) ب دهان جارن ناسناقی (شیخ الإسلام) بو وی دانایه، یان تو بیژی نهو ژ ل نک نقیسه ری هیژا وهابی بن! پشتی هنگی بهری دهولهتا (وهابییان) بیته دامه زانندن، ئیک ژ لایین گرنگی ددا ئبن تهیمیهۍ و کتیبین وی ل جیهانا موسلمانان بهلاف ذکر چاپخانهیا (کوردستان) بوو ل قاهره، یا سهیدا (فرج الله زکی الکردی) و ئیکه مین جار کتیبیا (الفتاوی الکبری) یا ئبن تهیمیهۍ وی ل ساللا ۱۹۰۸ چاپکریوو.

نیشا قی کهسی بیته دان و توبه بکهت ژ قی گوتنی و ههکه یی رژد بوو دی  
ئیته کوشتن)).

و دا کو نفیسهر وهسا خو نیشا مه بدهت کو ئهو کهسهکی زانایه  
ب شریعت و فقهی ئیسلامی، پشتی فه گپربنا قی دهقا تهحریفکری دبیزت:  
ههر چهنده د فقهی شافعی دا دبیزت: دروسته دهنگ بیته بلندکرن د ئیهتا  
نقیژی دا.

و من گوت: دهقا تهحریفکری، چونکی نفیسهری نه پسیار ب دورستی و  
تمامی فه گپرایه، و نه بهرسف، و ئهوا وی ئینای ژی ئهو ب دورستی تی  
نهگهشتییه، لهو تهعلیقهکا چو په یوهندی ب باهتی فه نههه ی گوتیییه، ژ بلی  
کو خو گه هاندیییه ئهجامهکی خهلهت.. چاوا؟

ئیکهمین جار دقیت ئه م بزاین دو مهسهلین ژیک جودا هه نه:

۱- (التلفظ بالنية) یه عنی: ئه زمانی مروقی ب ئیهتی بگه پریت و  
بلققت، و ئه فهیه یا خیلاف د ناقهرا فقهزانان دا چیبوی، و هندهک فقهزانین  
شافعی دبیزن ئهو کارهکی دورسته، و پسیار نه ل دور قی چه ندیییه ههتا نفیسهر  
وی تهعلیق قی بیژت یا گوتی.

۲- (الجهر بالنية) کو مروث دهنگی خو ب ئیهتی بلند بکهت، ههتا  
دهنگی وی بگه هته خه لکی و ته شویش بو وان چتی بیت، و پسیار ل دور قی  
چه ندیییه.. و چو مهزهه بان ئهف کاره دورست نه کرییه، نه شافعیان و نه  
مهزهه بین دی، و هندهک ژ بهرسقا ئبن تهیمیه ی ل دور قی چه ندیییه، و د سهری  
پسیاری دا ب عه ربی هاتییه: (( وَ سئَلُ: عَنْ رَجُلٍ إِذَا صَلَّى يُشَوِّشُ عَلَى الصُّفُوفِ

الَّذِي حَوَالِيهِ بِالْجَهْرِ بِالنِّيَّةِ..)) و ناشكراهيه كو نقيسهري هيترا فهرقي ناكهت  
 د ناچهرا فان ههردو مهسهلان دا، چونكي شولا وي نه فقها ئيسلامييه!  
 و بهري خو بده فان ههردو رستهبين كورت ژ گوتنا ئبن تهيميهي دا  
 جوداييا مروقي فهقيم- ژ بي نه فهقيم- بزاني:

((الْجَهْرُ بِالْفِطْرِ النَّيَّةِ لَيْسَ مَشْرُوعًا عِنْدَ أَحَدٍ مِنْ عُلَمَاءِ الْمُسْلِمِينَ، وَلَا فَعَلَهُ رَسُولُ اللَّهِ صَلَّى اللَّهُ عَلَيْهِ وَسَلَّمَ، وَلَا فَعَلَهُ أَحَدٌ مِنْ خُلَفَائِهِ وَأَصْحَابِهِ، وَسَلَفِ الْأُمَّةِ وَأَتَمَّتْهَا)).

((...)) وَهَذَا يَتَنَازَعُ الْفُقَهَاءُ الْمُتَأَخَّرُونَ فِي اللَّفْظِ بِالنِّيَّةِ: هَلْ هُوَ مُسْتَحَبٌّ مَعَ النِّيَّةِ الَّتِي فِي الْقَلْبِ؟ فَاسْتَجَبَهُ طَائِفَةٌ مِنْ أَصْحَابِ أَبِي حَنِيفَةَ وَالشَّافِعِيِّ وَأَحْمَدَ. قَالُوا لِأَنَّهُ أَوْكَدُ وَأَتَمُّ تَحْقِيقًا لِلنِّيَّةِ، وَلَمْ يَسْتَجِبْهُ طَائِفَةٌ مِنْ أَصْحَابِ مَالِكٍ وَأَحْمَدَ وَعَظِيمًا، وَهُوَ الْمَنْصُوصُ عَنْ أَحْمَدَ وَعَظِيمِهِ، بَلْ رَأَوْا أَنَّهُ بَدْعٌ مَكْرُوهٌ...)).

پشتي فقي، نقيسهري ژ زانين يان ژ نه زانين هندهك ژ وي پسياري برييه  
 يا ژ ئبن تهيميه هاتييه كرن، و ب وي بريني تيگه هشتنا بهرسقي دئيته  
 ته حريف كرن، و نه نجام دئيته وه ربادان.. و نهو جهي هاتييه برين ژ پسياري  
 ب عهده بي نهفه يه: (( وَأَنْكَرُوا عَلَيْهِ مَرَّةً وَلَمْ يُرْجَعْ، وَقَالَ لَهُ إِنْسَانٌ: هَذَا الَّذِي تَفَعَّلَهُ مَا هُوَ مِنْ دِينِ اللَّهِ، وَأَنْتَ مُحَالِفٌ فِيهِ السُّنَّةِ. فَقَالَ: هَذَا دِينُ اللَّهِ الَّذِي بَعَثَ بِهِ رَسُولَهُ وَيَجِبُ عَلَى كُلِّ مُسْلِمٍ أَنْ يَفْعَلَ هَذَا.. وَيَقُولُ لِلْمُنْكَرِينَ عَلَيْهِ: كُلُّ يَعْملُ فِي دِينِهِ مَا يَشْتَهِي؟ وَإِنْكَارُكُمْ عَلَيَّ جَهْلٌ )) يه عني: نهو كهسي (دهنگي خو ب ننيه تي بلند دكهت) نه كو (وي  
 ب نه زماني دببترت) گاڤا ئيكي گوتن: نهفه نه ژ دينييه، و كهسي نهو نه كربيه

نه پیغه مبهري و نه سه حایبیاں و نه ئیما مان، نهو بیژت: نهوا نهز دکهم نهوه نهو دین یی خودی هنارتی و ل سهر ههر موسلمانه کی واجبه وی بکته یا نهز دکهم، و ههر ئیک د دینی خو دا دی وی کته یا وی دقیت.. باشه نهوی قی ئاخفتنی بیژت حوکمی وی چیه؟ یه عنی: نهوی موخاله فا ئیجماعا ئوممه تی د مهسه له کی دا بکته، و ئینکاری بکته، و بیژت: نهوا نهز دکهم نهوه دین، و ههر ئیک ب که یفا خو به و حقی وی هیه چی تشتی وی بقیت بو خو بکته دین!

نهف که سه یه پسایارا وی ژ بن تهیمیه دئیتنه کرن، و وه کی ئاشکرا مهسه له بنه جهرنا قاعیده یه کی عقیده و باوه رییه، نه مهسه له ئینان و نه ئینانا ئیه تییه، و ههر زانایه کی ئیسلامی یی تو بیژیی حوکمی قی مرژی چیه؟ نهو دی بیژته ته: نهو مورته دده، و ئاشکرایه کو حوکمی مورته ددی کوشتنه.. به لی که سه کی له یفا ئا عقیده و فقها ئیسلامی نه زانت دی چاوا قی تشتی زانت و د گوتنا شیخی ئیسلامی گهت!؟

### داعش و تحریفا گوتنی بن تهیمیه:

(داعش) و ههر دهسته که کا وه کی وی ژ شوینخه رتوکین خه وارج و موعته زلییان هتا باطلی خو د هزرا نه زان و عامییان دا دهریاس بکه ن، نهو کاری بو هندئ دکهن کریتی و ئنحرفین خو ب هنده ک (نصوو صین شه رعی) ژ کیتاب و سونه تی مور بکه ن، و دا نهو وه سا خو نیشا خه لکی بده ن کو نهو ل سهر پریبازه کا دورستن، پتر جاران نهو ب پیکا (ئستدلالا مونحرف) گوتنی

هندهک زانایین موعته بهر ل سهر کارین خو یین نه شه رعی دینن، و ئەف کاری وان ب ئیک ژ دو ئحتمالان دئیتته شروقه کرن:

- یان ب دورستی ئەو ههز ژ ئان زانایان دکهن، و که یفا وان دئیت کو ئەوا ئەو دکهن یا رپکه کەفتی بت د گهل گوئن و فه توایین ئان زانایان، به لی ژ نه تیگه هشتن و نه زانینا وان ب گوئن و بوچوونین ئان زانایان ئەو ته حریفی دئبخنه فه توایین وان، و خه له ت ته فسیر دکهن.

- یان ژێ ئەو ژ هندهک لایین شه شارتی فه دپالداینه دا ئان زانایان د چائین خه لکی دا کریت بکهن، و به ری موسلمانان ژ کتیب و تورائی وان وه رگپرن؛ چونکی ئەو لایین شه شارتی کارتی کرنا ئان زانایان ل سهر هشیار کرنا ئوممه تی باش دزانن.. و ئیکێ وه کی ئبن ته مییه -بو نمونه- یی کو ب کتیبین خو چه په رین جوھی و فه له و شیعه و صوفی و خه وارجان ب سه رپک دا ئیناینه خواری، یا غه رب نینه ئەفه هه مییه کو نوکه سیاسه تا جیهانی دینن و دهن، نه یاره تییا وی بکهن، و ب هه رپکه کا هه بت بیی دا ئاسته نگان بیخنه نا به را وی و ئوممه تی دا.

و ل قیری ب تنی نمونه یه کی ل سهر ئستدلالا داعشی یا مونحرف بو فه توایه کا ئبن ته مییه ی دی ئبنم، دا بزنان چاوا ئەو عامییان دخاپینن:

ژ زنجیرا کریتی و هوقاتیین ئەف رهنگه مرۆقه شانازیین پی دهن، و رویین خو پتر پی د چائین جیهانی دا رهش دکهن، به لاکرنا فلمین کوشتنا وانه بو وان که سین نه ژ وان یین کو ئەو دره قینن یان ب ئیخسیری دکه قنه دهستی وان، پشتی ئەو داهینانی د هونه ری کوشتنا وان دکهن؛ ب هیه ته تا

ترساندنا نه یاران -وهکی ئەو دبیژن-، و ئیک ژ وان فلملان کوشتنا وان بوو  
 بو فرۆکه فانه کی ئوردنی، پشتی وان ئەو د قه فه سه کی دا گرتی و هیدی هیدی  
 ئاگر بهردای، پاشی ئاخ رادایه سهر و شه فه ر د سهر را هاتی و چووی .. و  
 د سهر قی قبه ته تی را یا وان کری، وان قبه ته کا دی یا نه کی متر ژ قی ژی کر،  
 ده می وان د بهر قی دی مه نی را ب نفی سین و گو تن ئستاله کا مونحرف  
 ب گو تنه کا شیخ ئیسلام ئبن ته می هیه ی کری؛ دا ئەو ئیک ژ دو ئارمانجین پیس  
 ب جه بین: یان خو و (ئه حمه قین) وهکی خو وه تی بگه هینن کو ئەف کاری  
 ئەو دکهن یی دورسته، یان ژی زانایی هه یی مهزن د چا ئین خه لکی دا  
 بشکینن، و وی مه نه جی کریت بکه ن یی وی گازی بو دکر.. به لی قی جاری  
 ژی وه ریسێ درهوا وان یی کورت بوو، دا بهر یی خو بدهینی چاوا؟

وان ژ شاره زاییا خو د ته حریفی دا ئەف پارچه یه ب تنی ژ گو تنه ئبن  
 ته می هیه ی شه گپرا، گو تن: ئبن ته می هیه دبیژت: ((أما إذا كان في التمثيل الشائع دعاء لهم  
 إلى الإيوان، أو زجر لهم عن العدوان، فإنه هنا من إقامة الحدود، والجهاد المشروع))  
 یه عنی: ئەگه ر (ته مثیلا به لاف) دا -پاشی دئ به حسێ قی په یقی و مه عنا یا  
 وی که ین- گازی که نه ک بو وان بو ئیمانێ هه بت، یان پاشقه برنه ک بو وان  
 ژ ته عدا کرنی هه بت، ئەقه پشکه که ژ جه ئینانا حودوودان، و ئەو ژ جیهادا  
 دورسته.

مه عنا: ب فه توایا ئبن ته می هیه، ئەو کاری ئەم دکهن کو سو تنه مرۆقه کی  
 ئیخسیره ب ساخی، پشکه که ژ جیهادی و کارئینانا حودوودین شه رعی .. و  
 ته حریفا وان بو گو تنه ئبن ته می هیه یا چاوا یه؟ دا بهر یی خو بدهینی ..

دهقی گوتنا بئن تهیمیه ب فی رهنگییه، نهو دبیزت: ((وان مثل الکفار بالمسلمین فالمثله حق لهم، فلم فعلها للاستيفاء وأخذ الثأر، ولم ترکها، والصبر أفضل، وهذا حيث لا يكون في التمثيل بهم زيادة في الجهاد ولا نکال لهم عن نظيرها، فأما إن كان في التمثيل السائغ لهم دعاء إلى الإيمان أو زجر لهم عن العدوان فإنه هنا من إقامة الحدود والجهاد المشروع، ولم تكن القصة في أحد كذلك؛ فلم هذا كان الصبر أفضل، فأما إن كانت المثلة حقا لله تعالى فالصبر هناك واجب، كما يجب حيث لا يمكن الانتصار، ويحرم الجزع))<sup>(۱)</sup>.

یه عنی: نه گهر کافران (ته مثیل) ب موسلمانان کر، و بو زانین: ته مثیل نهوه پشستی مروثهک دئیتیه کوشتن، یاری ب له شی وی بیته کرن، وهکی هلاویستنا که له خی ل جهه کی بهرچاف، یان سوتنا وی، یا ژیفه کرنا هندهک پارچه یان ژ له شی.. مه گوت: مروثی مری، نه هیتشتا یی ساخ.. وهکی داعشی کری و دکهت، و گوتنا بئن تهیمیه ل سهر که له خی مرییه، یه عنی: ههر ژ بنی گوتنا وی و کاری فان یی ژیک دویره.. بئن تهیمیه دبیزت: نه گهر کافران نهف کاره د گهل که له خین کوشتییین موسلمانان کر، وهک تولفه کرن دورسته بو موسلمانان ژی وی د گهل وان بکن، بهلی صه برکیشان و نه کرنا وی چه ندی باشتره، کهنگی؟ نه گهر د ته مثیلی دا جیهادهکا زیدهتر و پاشدابرن بو وان نهبت، یه عنی: هنگی ته مثیل یا باش نینه، ههر چه نده یا دورسته چونکی تولفه کر نه.

(۱) المستدرک علی مجموع الفتاوی (۲۲۳/۳).

و نه‌گهر د ته‌مشیلا دورست دا.. و ژ فئیرئ وان گوتنا ئبن ته‌میمه بریبه و  
 نستدلال پی کریمه، پشتی په‌یقا: سائغ یه‌عنی: دورست، ته‌حریف‌کری و کریمه:  
 شائع یه‌عنی: به‌لاڤ (!!))، نه‌گهر د ته‌مشیلا دورست دا، یا دورست که‌نگیبه؟  
 نه‌گهر وان ژئ (یه‌عنی: کافران) به‌ری هنگی ته‌مشیل ب کوشتییین مه‌کرت،  
 و ته‌مشیلا مه‌مه‌صلحه‌ته‌ک تیدا هه‌بت، وه‌کی کو وان ب لایئ مه‌څه بکیشت،  
 یان بو وان بته پاشدابرن کو نه‌و ئیدی څی تشتی د گهل کوشتییین مه‌نه‌که‌ن،  
 هنگی نه‌و دئ بته پشکه‌ک ژ کارئینانا خودودان و جیهادا دورست.

پاشی شیخ ئیسلام ئیشاره‌تی دده‌ته سه‌ره‌تیییا شه‌ری ئو خودئ، ده‌می  
 کافران ته‌مشیل ب له‌شیین کوشتییین موسلمانان کری، و دبئرت: مه‌سه‌له  
 ل ئو خودئ یا وه‌سا نه‌بوو، یه‌عنی: چو مه‌صلحه‌ت تیدا نه‌بوو موسلمان تولئ  
 ل کافران څه‌که‌ن، له‌و صه‌برکیشان چئربوو.

و نه‌گهر ته‌مشیل حه‌ققه‌کئ خودی بت، یه‌عنی: نه‌حقی گشتی بت، نه  
 یئ مرؤقان بت، صه‌بر هنگی واجبه، کانی چاوا نه‌و واجبه ده‌می موسلمان  
 دلاواز بن و نه‌شین تولا خو بستینن، و نه‌صه‌برکیشان حه‌رامه.

و وه‌کی ئاشکه‌را گوتنا ئبن ته‌میمه‌ی گوتنه‌کا شه‌ری و گرتدای  
 ب ئو صوولئین قورئان و سوننه‌تییبه، و نه‌ ژ دویر و نه‌ ژ نئیزیک وی چو  
 په‌یوه‌ندی ب کارئ داعشئ څه‌ نینه، ژ گه‌له‌ک لایان څه: ئیکه‌مین جار داعشئ  
 نه‌څ کاره نه‌کریمه وه‌ک تولستاندن، یا دویئ: وان نه‌څ کاره د گهل موسلمانه‌کی  
 یئ کری نه‌ د گهل کافره‌کی، یا سیئ: نه‌گهر نه‌و بیژن: نه‌څ مرؤقه مورته‌دده و  
 کافره، ئبن ته‌میمه به‌حسئ ته‌مشیلا ب که‌له‌خئ مریمان دکه‌ت، نه‌ د گهل



مرۆڤه کى هيشتا ساخ، يا چارى: ئهري مه صلحه تا ئىسلامى يان يا كافران  
 د قى كارى دا بوو يى وان كرى؟ يا پىنجى: ئهقا وان كرى سوژاندنا مرۆڤه كى  
 زىندييه نه كو ته مثيله، و حوكمى سوژاندنى يى جودايه. يا شه شى: بوچى وان  
 ژ سهري و بنى گوتنا ئبن ته يميه ي برى، و هندهك ژ نيقي ب تنى ئبنا پشتى  
 ته حريف د وي ب خو ژى دا كرى؟

و خودى چىتر دزانت، بهلى هزر بو هندى دچت كو وان ب قى كارى خو  
 قيايه ئبن ته يميه تاوانبار و رهش بكن، و خهلكى ژ وى و گوتن و كتىبين وى  
 دوير بىخن.. و ئهقه شيوهيه كى دوير نينه ژ رويفىبين سياسه تا جيانى يا ئه فرۆ!  
**لايهكلا قهشارتل ژ كهسينيا ئبن ته يميه:**

ئبن ته يميه ئيك ژ وان زانايان بوو يىن خودى بو قى ئوممه تى هنارتىن  
 ل دهه كى تهنگافى و گرفتارى ژ ههمى لايان قه لى دژار بووى، و وى  
 ب ژيانا خو، ب وان ههلوستان يىن وى د رويدانىن جودا جودا دا وهرگرتىن،  
 ب ئزمانى خو، و يا گرنگتر ب قهله مى خو، بىرا ئوممه تى ل سهرفه رازىبى  
 ئبنا قه، و ههتا رۆژا دووماهيبى ژ ژيانا خو خهباتهكا بهردهوام ل سهر پتر  
 ژ چهپه رهكى كر، لهو يا غه ريب نينه دوژمىن وى ژى د كهفن و نوى دا پتر  
 ژ رهنگه كى مرۆڤان بن.. و دبت تشتى غه ريب ل بهر گهلهك كهسان ژ يىن ئبن  
 ته يميه ب دورستى نه نياسى ئهو بت ده مى مرۆڤ دىترت: ئبن ته يميه د ژيان  
 و بهرهمى خو دا ژ ههمى كهسان پتر نه ياره تيبيا هزر و بىرىن خه وارج و  
 موته عه صصب و توندكاران كرىبه؛ چونكى بىبه ختيا ژ ههميان مه زنتر يا  
 نه يارىن ئبن ته يميه ههردهم پى راداي ئهو بوويه كو ئهو مرۆڤه كى توندكار بوو،

و ب هیجەت و بی هیجەت خەلک کافر دکر، و کەیفای وی ب تشتەکی  
نەدەهات هندی کەیفای وی ب نەیارەتییا موسلمانان دەهات!!

بەرسف ل سەر قی ببەختییی دئی بیژین: کتیبین ئبن تەیممەیی ئەوین خۆ  
ژ دەمی وی وەرە خودی قەبوولەکا مەزن د ناڤ ئوممەتی دا دایی، لەوا ئەو  
د سەر وان هەمی ئاستەنگان را یین نەیارین وی ل بەر ددانان زوی بەلاڤ  
دبون، ئەڤ کتیبە باشتین بەرسف بۆ وان کەسین کاری بۆ کریتکرنا گۆتن و  
بۆچوونین وی دکەن، چ ب ریکا ئستدلالا مونحەرف بت یان پیرادانا درەو و  
ببەختییان بت، و هەچییی راستییا گۆتن و بۆچوونین ئبن تەیممەیی بثیت،  
لازمە ل ئەصلی کتیبین وی بزڤرت، و قەت خۆ نەهیلته ب هیقییا وان کەسان  
قە یین ب مەقەسین زەوق و کینا خۆ گۆتین قی زانایی مەزن ل دویت دلی  
خۆ فەصال دکەن، و د کراسەکی خاپینۆک دا ددانە بەر سنگی خەلکی سادە!

و ل دووماهییا قی نقیسینا خۆ من دقیت دو سی هەلوپستەکین کورت  
ژ ژبانای قی زانایی قەگوهیزم؛ دا خواندەڤان وی لایی ژ کەسینییا ئبن تەیممەیی  
بزانن یی نەیارین وی هەردەم کار بۆ قەشارتنا وی کری:

ئیک: پشتی جاشەنگیر شیای ئبن قەلاوونی لادەت و ل جەمی وی ببته  
سولتانای مصری، وی ب پالدانا هەندەک کەسان (ژ زانایین موتەعەصەب)  
بریار دای ئبن تەیممەیی نەفی کەتە ئەسکەندەرییی، و پشتی هەشت هەیفان  
ژ مانا وی ل نەفییی وەسا چیبوو سولتانای مصری یی عەزڵکری ئبن قەلاوون  
شیا جاشەنگیری لادەت و جارەکا دی بزڤرتە سەر تەختی سەلتەنەتی، و  
دەمی ئەو زڤرییە سەر حوکمی وی قیا حسبیا خۆ د گەل جاشەنگیری و

پشتهفانین وی صافی کت، و بین ژ ههمیبیان پتر وی کهربا خو هاقیتیبیی نهو مهلا و قازی بوون یین پشتهفانییا جاشهنگیری دژی وی کری، و نهو مهلا و قازی ههمی نهو بوون یین ههفرکی د گهل بن تهیمیهی دکر، بن قهلاوونی بهری ههر تشتهکی بریار دا بن تهیمیه ژ نهفیبیی بیتنه زفراندن و نئیهتا وی نهو بوو وی ههفرکییا د ناقبهرا بن تهیمیهی و وان مهلایان دا بو خو (ئستغلل) بکهت؛ دا کوب هیجهتا وی دربهکی ل نهیارین خو بدهت. و گاڤا بن تهیمیه گهشتیه قاهیره، سولتانی نهو داخوازکره دیوانا خو، و زیده قهدری وی گرت، پاشی دیوان خالی کر و گوئی: سهیدا، تو دزانی فلان قازی و فلانی و فلانی گهلهک بهرگهربان دکر دا ته بگرن و نهفی کهن، و روژا نهز هاتیمه عهزلکرن ژی ههر نهو بوون یین دورژمناتییا من ژی کری، و پشتا نهیارین من گرتی، نهفرؤ خودی نهو شهرمزارکرن و ئیخستنه دهستی مه، قیجا من دقیت تو فهتوایهکی بدهی دا نهز وان ئیک ئیکه بکوژم. بن تهیمیهی گوئ: نهف گوئنا تو دیژی قهت چی نابت، نهف مروقین ته ناقین وان ئیناین زانایین بازپینه، و مروقین خودان قهدرن، نهگر ته نهو کوشتن تو کهسی دی بی وهکی وان نابینی.

سولتانی گوئ: نهوین هه نهو بوون یین تو دایه گرتن ونهفیکرن، وگهلهک جارن وان دقیا ته بکوژن ژی! بن تهیمیهی گوئ: ههچی بی نهخوشیهک گههاندبته من، من گهردنه وی یا ئازاکری، و ههچی بی نهیارهتییا خودی و پیغه مبهری کربت، خودی دی تولی لی قهکهت و نهز تولا خو ژ کهسی قهناکه م.

هندي سولتان ما پٽه نه شيا چو فه تو ايان ژي چي كهت، لهو چو هيجه تين شهرعي ب دهست نه كهفتن نهو وان پي بكوژت، دوژمني ئبن تهيميهي يي مهزن ئبن مهخلوofi گوت: ((كهسي وهكي ئبن تهيميهي مه نهديتبيه، مه سولتان پالدا؛ دا وي بيشينت و نهو نه شيانيني، و گاڤا نهو شيايه مه وي نهو عهفي كرين و بهره قاني ژ مه كرا))<sup>(۱)</sup>.

**g:** ل دهسيپيكا سه دسالا ههشتي مشهختي ده مي ته تهرييان هپرش كريبه وهلاتي شامي، و نهو گه هشتينه دهرو و بهرين باژيري ديمه شقي، وان د ريكا خو دا گلهك مروث ژ موسلمان و جوهي و فهلهيان ئيخسيران، و پشتي سه رهاتييه كا دريژ ئبن تهيميه د گهل هژماره كا هه قالين خو ژ زانايان چوو نك مهزني ته تهرييان، و داخواز ژي كر نهو ئيخسيران موسلمانان بهردهت، وي گوت: بلا، سه ر خاترا ته نهو دي موسلمانان بهردهين، بهلي هندهك فهله ژ قودسي مه گرتينه، نهو وان بهرنادهين.. ئبن تهيميهي گوتي: هه ر جوهي و فهلهيه كي هه وه گرت بت دقيت هوبن بهردهن، چونكي نهو ل سه ر بهختي مه نه. و نهو هنگي پراوه ستيا هه تا وي نهو هه مي ژ دهستي ته تهرييان رزگار كرين<sup>(۲)</sup>.

**س:** شاگردهيي وي زانايي ناڤدار ئبن قه ييم بهحسي وي دكهت و ديپرت: هندهك هه قالين وي<sup>(۳)</sup> يين مهزن دگوت: خوزي نهز بو هه قالين خو وهكي وي بامه بو نهيار و هه قركين وي! و من نهديت جاره كي وي نفرينهك

(۱) بهري خو بده كتيبا مه: د گهل مروقين خودي، چاپا دويي، پ ۲۵۲-۲۵۳.

(۲) مجموع الفتاوي ۶۱۷/۲۸.

(۳) مهخسه د ب هه قالين وي يين مهزن شاگردهيين وي يين ناڤدارن.

ل نهياره كې خو كربت، بهلكي هر جار دوعا بو دكرن، جاره كې ئيك ژ نهيارين  
وي بين مهزن بين كو نه خوشييه كا دژوار گه هاندييې مر، نهز ب كهيف قه هاتم  
دا مزگينييې بده مي، وي نهز پاشقه برم، و نهف چنده ژ من قه بويل نه كر، و  
گوت: (إنا لله وإنا إليه راجعون) پاشي د گاشي دا رابوو چوو مالا وي دلهي  
دلهي مرؤقين وي دا، و گوته وان: نهزل شوينا ويمه بو هه وه، هر تشته كې  
هوبن هه وجه ببنې بيژنه من نهز دي بو هه وه كه م.. ئينا كهيفا وان گه لهك  
ب قې چندي هات<sup>(۱)</sup>.

نهفه رتبازا وي بوو: دله كې فرهه، ئنيه ته كا پاقر، نه زمانه كې ره هوان.. و  
نهوين خو د ره شي پيچاي، و خول پشت په رده بين كيني قه شارتې، نه شين  
ب بيژنكا خو رونا هيبيا رۆزي بگرن.

---

(۱) ابن القيم: مدارج السالكين ۳۴۵/۲.



**دهوری زانا و رهوشه نییری موسلمان  
ل ده می دژوار بوونا فتنه و گرفتاریان**





ل دهسپیکئی دفتیت بزاینن کو مهخسهدا مه ب (زانایی موسلمان) د ناث و نیشانین بابته تی دا زانایی دینییه، ئەوئ خه لک وی وهک نوینهر بو دینی دنیاست، و وهسا بهرئ خو ددهتی کو ئەو جیگر و میراتگری پیغه مبهرییه -سلاف لی بن-، و گوئنا وی ژ گوئنا دینییه، ئەو کهسی ل تهنگا قییان بهرئ خه لکی دمینه ل دهقی وی، و کاری وی ژئ وهک هیجته و دهلیل بو خو دزانن.. ههر وهسا مهخسهدا مه ب فتنه و گرفتارییان ئەو حالتهتی گشتی یی نهئاساییه یی کو ب سهر ئوممهتی دا دئیت، و دبته ئەگهرا هندئ دینی خه لکی یان هندهک لایین ژیا نا وان بکهقنه ژیر گهف و گوپئ، یان ری ل بهر وان شیلی و ئالوز بت، و ئەو ل سهرین رتیا ن حیبه تی و رتبه رزه بمینن.

### گرنگیا هه بوونا زانایا دورست:

پیغه مبهر -سلاف لی بن- وهکی گه لهک زانا<sup>(۱)</sup> ژئ قه دگوهیزن، دبیرت: ﴿إِنَّ الْعُلَمَاءَ وَرَثَةُ الْأَنْبِيَاءِ، إِنَّ الْأَنْبِيَاءَ لَمْ يُوْرَثُوا دِينَارًا وَلَا دِرْهَمًا، إِنَّمَا وَرَثُوا الْعِلْمَ، فَمَنْ أَخَذَهُ أَخَذَ بِحِطِّ وَافِرٍ﴾، ژ قئ گوئتی دئیتته وەرگرتن کو ئەو کاری زانا پی رادبن نئزبکه وهکی وی کاری بت یی پیغه مبهر پی رادبن، لهو دینی ب خو ههوجهیه کا مهزن ب وان ههیه، پشتی هنگی ملله تان ژئ ههوجهیی پی ههیه، چونکی ل گه لهک ده مان ئەو بو خه لکی دبنه نمونه یی بهرچاقئ چاقلینکرنئ، ئەو بهرئ

(۱) وهکی بوخاری و ئبن ماجه و ترمذی و ئه بو داوودی و هنده کتین دی.

وان ددهنه ئەخلاقى بلند، پاڤژىيى، دهسپاكييى، ئىكگرتى، خواستنا حەق و حقووقان، ريتيشادانى، بهلافكرنا علمى.. و هتد، و ل وى دەمى ئوممەت دكهفته گرفتارىيى داخواز ل سەر قان زانايان هيشتا زىدهتر لى دئيت، و گرنگىيا وان هيشتا پتر لى دئيت، چونكى نهبوونا وان هنگى دبتە نيشانا ئاشكەرا يا نهمانا علمى، ژ لايەكى فه، و ژ لايەكى دى فه فالانيبا مهيدانى ژ وان دبتە رىخوشكرنەك بو كهسین نهزان كو بېته پيش، پيغه مبهه - سلاف لى بن- د گوتنهكا خو دا<sup>(۱)</sup> ديبىت: ﴿إِنَّ اللَّهَ لَا يَقْبِضُ الْعِلْمَ انْتِزَاعًا يَتْرَعُهُ مِنَ الْعِبَادِ، وَلَكِنْ يَقْبِضُ الْعِلْمَ بَقْبُضِ الْعُلَمَاءِ، حَتَّى إِذَا لَمْ يَبْقَ عَالِمًا اتَّخَذَ النَّاسُ رُؤُوسًا جُهَالًا، فَسُئِلُوا فَأَفْتَوْا بِغَيْرِ عِلْمٍ، فَضَلُّوا وَأَضَلُّوا﴾ يه عسى: زانين ژ ناف ئوممەتى نائيتە پاكرن ب نه مانا زانينى ئىكجارى، بهلكى ئەو ب نه مانا زانايان رادبت، و دەمى زاناين دورست نه مان، و چونكى خەلك ههردەم ههوجهى زاناiane ئەو دى هندەك سهرين نهزان بو خو دانن، فيجا پسيار دى ژ وان ئينه كرن، و ئەو بى زانين دى فهتوايى دهن، هنگى ئەو ب خو ژى دى دسهردا چن و دى خەلكى ژى د گەل خو دسهردا بهن.

و ژ فى دووماهيى گرنگىيا زاناين دورست بو مه ئاشكەرا دبت: ئەگەر ئەو نه مان هندەك نهزان ب جلكى زانايان دى خو نيشا خەلكى دهن، و دى فهتوايىن وهسا خەلهت دهن بين خەلك پى دسهردا دچن.

و كهنگى بازارا قان نهزانان پتر گهرم دبت، و رهواج ل سەر وان زىده

دبت؟

(۱) يا بوخارى و موسلم ژى فه دگوهيتزن.

دهمى گرفتاريين مهزن سهره‌كانييان شينلى دكهن؛ چونكى د ئاڤا شينلى دا نهبت ئەو نهشپن راڤى بكن؛ و پسيار نهكهن كانى موصييه‌تا ئوممه‌تى چهند مهزن دبت دهمى مهزن دبنه دزين دنيايا وان، و زانا دبنه دزين دينى وان!

### دهورى زاناين دورست:

مه گوت زاناين دورست ميراتگريين پينغه‌مبه‌رانه، و ل سهر ريتكا وان ددهنه رى، و ئەو ژ ريبه‌ريين ژيانينه، و گاڤا بهرى ته كهفته دوربانه‌كى، و رى ل بهر ته بهرزهبوو، و ته نهزاني ب كيژ لايى دا بچى، هنگى پتر ژ ههر ده‌مه‌كى دى ته هه‌وجهيى ب ريبه‌ره‌كى هه‌يه ريتكا راست نيشا ته بدهت؛ دا ب سلامتى بگه‌هييه ئارمانجا خو، و به‌لا و موصييه‌تين تاييه‌ت و بين گشتى د ژيانى دا، ژ وان ئاسته‌نگانه بين گه‌له‌ك جاران سهرين ريكان ل بهر مروڤى بهرزه دكهن، و مروڤى حيبه‌تى دكهن، له‌و ئيكه‌مين تشت ل وان ده‌مان مروڤ هزر لى دكهن ئەوه قهستا زانايه‌كى بكهت، و پسيارا خو پى بكهت، و رپنيشادانى ژى بخوازت، و هنگى ب دورستى ده‌ورى زانايى دئيت، و كارى وى يى ب زهمه‌تتر ده‌ست پى دكهن، و هنگى ئەو ب دورستى دكهفته سهر (مه‌حه‌ككى) دا ديار بيت كانى زپه‌كهى صافيه، يان ژى هنده‌ك زرزرك و پلپلكين ب زهرى تامداينه!

و ئيك ژ مه‌زنترين گرفتاريين گشتى -ئه‌گه‌ر نه‌بيژين يا ژ هه‌ميبان مه‌زنتر- ئەوه دهمى مروڤ خه‌له‌ت د دينى دگه‌هن، فيجا زنده شداندى تيدا دكهن، حه‌تا بهر ب تونديي قه‌ دچن، وه‌كى ل بهراهييا ديروكا شى ئوممه‌تى ل سهر ده‌ستى (خه‌وارجان) په‌يدا‌بووى، يان ژى زنده سستىي تيدا دكهن، حه‌تا

دیسا بہر ب توندیییٰ قہ دچن، وہکی ل دووماھییا دیروکا قیٰ ئوممہ تیٰ ل سہر  
دہستی (علمانیان) پھیدا بووی.

### واجبای زانایای موسلمان ل قایل دہم:

ل قی دہمی ہوسا، دہمی خہلک خہلت د دینی دگہن، و ئەف  
خہلہ تیہ بہری وان ددہنہ توندییی، توندییا چوونا بہر ب دینی قہ یان  
رہقینا ژ دینی.. ہندہک واجب ہنہ دکہقنہ سہر ملیٰ زانایای موسلمان، ل قییری  
ئہم ب کورتی دی ئیشارہ تیٰ دہینی:

جاری زانا و رہوشہ نیری موسلمان، وہک تاکہ کی موسلمان، بیی  
بہر بخودانا سالوخہ تیٰ زانینی ل نک وی، ہندہک واجبین وی ہنہ، ئەو ژ  
ئہقنہ:

۱- ل ہر دہمہ کی ہبت، و ب تایبہ تی دہمی گرفتاری دژوار دبن، دقیت  
ئہو گہلہک یی ل خو ہشیار بت، و مہنہ جی (تہ تہبوتی) د وەرگرتنا زانینین  
خو دا، یین حوکم ل سہر دئینہ ئافاکرن ب کار بینت، خودی دبیژت: ﴿يَا أَيُّهَا  
الَّذِينَ آمَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن تُصِيبُوا قَوْمًا بِجَهْلَةٍ فَتُصْحَبُوا  
عَلَىٰ مَا فَعَلْتُمْ نَادِمِينَ﴾ (الحجرات: ۶)، ئەقہ بو ہندی دا ئەو ب نہ زانین قہ  
بہر ب زوردارییی قہ نہچت، ئەوا سہری دکیشتہ پھشیمانییی، و ئەقہ ب دو  
ریکان دبت:

- کو ئەو خو ژ وی تشتی پشتراست بکەت یی بو دئیتہ قہ گواستن،  
دا ل نک وی مسوگەر ببت کو ئەوا نوکە د واقعی دا چی دبت، ئیک  
ژ وان فتنہ و گرفتاریانہ یین نصوصین شہری پی ہین.

- نه ههر تشته کي دگهته گوهي وي و نهو وهردگرت، دورسته بو وي نهو وي فهگيرت، و د ناه عاميبان دا بهحس ژي بکته، نهگر خو تشتي وي وهرگرتي يي راسه ژي بت؛ چونکي دبت نهو ب في کاري بته پشکهک ژ گرفتاريي بي ب خو بحهسييت.

۲- نهگر بو وي مسوگر بوو کو نهوا نوکه د واقعي دا هه ي نیک ژ وان گرفتاريانه بين نهصهکا شهرعي پي هه ي، دقبت نهو ل سه ر ديني خوړاگرتي بمينت، و نهف گرفتاريه باوهريا وي نهلهقينت، و نیکا هند ژي چي نهکته نهو ژي خو ب دويش فتني دا بهردهت، و بته لايهک تيدا.

۳- دقبت وي باوهري ههبت کو نهف گرفتاريه جهربانندهکه نهو و نوممهت هه مي تي دپورت، لهو دقبت نهو سه برين ل سه ر بکيشت، و في نهخوشيي بو خو ب خير حسيب کته، و بيرا خه لکي زي ل في چهندي بينته فه، دا نهو بي مفا ژ في سه ربورا نهخوش دهرنهکهن.

پشتي في چهندي سالوخه تي وي وهک زانا يان مرؤشه کي رهوشه نبير و تيگههستي، هندهک کارين دي ل سه ر وي واجب دکته، نهو ژي نهفنه:

۱- دقبت گوتن و بوچوونين وي ب مهنه جي نيسلامي يي دورست فه نهوي نفاکري ل سه ر کيتاب و سوننه تي دگردياي بن، نه کو ب سياسهت و نههوا و مهصلحه تين بهروخت فه؛ و چي نابت واقع -نهگر خو يي دژوار ژي بت- گفاشتن و پيههستي ل سه ر نه حکامين وي بکته، يان نفعالاتين وي بئارينت، جاره کي ل مهکه هي گرفتاري ل سه ر سه حايبان زيده دژواربوو، هتا نیک ژ وان کو خه باب بوو، ب نفعاله کا گهرم و دله کي سوتي گوته

پيغهمبهرى -سلاف لى بن-: بۆچى تو داخوازا سهرکهفتنى بۆ مه ژ خودى ناکهى؟ پيغهمبهرى -سلاف لى بن- ب زانين و حکمهت، نه کو عاطفه و نفعال، بهرسقا وى دا وگوتى: د ئوممهتین بهرى ههوه دا، زهلامهكى دا ئينن کۆرکهكى بۆ د عهردى کۆلن، و مشارى دا ئينن داننه سهر سهرى وى، و وى کهنه دو پرت، و قى چهندا هه ئه و ژ دينى وى نه ددا پاش.. و ئەز ب خودى کهمه خودى دى قى دينى تمام کهت ههتا سويار ژ مهدينى دى چته ههز مهوتى و ئه و ژ تشتهكى ناترست ژ بلى خودى، و گورگى ل سهر پهزى خو، بهلى هوين لهزى دکهن<sup>(۱)</sup>.

مهعنا: چى نابت بۆ مروقى زانا ب هه ماسهتا عامى و جحيلان سهرگهرم بيت، و وهكى وان يى ب لهز بت، ئه و لهزا گهلهک جارن بهرى خودانى ددهته تپچوونى.

۲- مروقى زانا دقیت يى جودا بت ژ عامييان، و وهكى وان ب گوتنين عاطفى و سهرپى دسهردا نهچت، و حوکمى وى ل سهر تشتى دقیت يى ئافاکرى نهبت ل سهر بناخه يى (مهظهر) و تشتى سهرقه سهرقه، و چى نابت بۆ وى ئه و واقعى ب ریکا لافيته و دوريشمين بلندکرى بسهنگينت.. ههر وهسا قیت ئه و ب هيجهتا تيگههشتنا واقعى نهبته شکهفتهکا خالى ههر دهنگهكى گههشتى لى شهدهت، يان ئيسفه نهجهكى ههر ئافهکا ههبت بميرت. پيغهمبهر -سلاف لى بن- دپيرت: ﴿مَنْ حَدَّثَ بِحَدِيثٍ وَهُوَ يَرَى أَنَّهُ كَذِبٌ، فَهُوَ أَحَدُ

(۱) نهحمه د ژ خهبايى شه دگوهيزت.

الْكَادِبِينَ ﴿١١﴾ و هەر چهنده دبت ئەفه بهحسێ حەدیسێ بت، بەلێ چو مانعی نینه ئەو ژ هەر گۆتتهکا دی ژێ بگرت.

۳- دقیت زانایی تهسهوورهکا تمام بو وئ گرفتارییی ههبت یا پوی ددهت، ههتا ئەو بشیت حوکهکی دورست ل سهه بدهت؛ چونکی دانا حوکهکی ل سهه ههه تشتهکی چهقهکه ژ تهسهوورا وی تشتی ب خو، وهکی قاعیدهیی شهوعی دبیتژت: ((الحکم علی الشیء فرع من تصورہ))، و بو وی چئ نابت ئەو ب ریکا هندهک زانیین سهرفه سهرفه یین کو ب ریکا گوتتین جادهیی، یان دهزگههین راگههاندنئ دگههنی، ئەو حوکهکی ل سهه فتنئ بدهت، خودایی مهزن دبیتژت: ﴿وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عِنْدَهُ مَسْئُولًا ﴿٣٦﴾﴾ (الإسراء: ٣٦) چونکی ئەگهه ئەو بی زانینهکا تمام باخفت، ئەو دئ خو و خهکی ژێ دسهردا بهت، و بهلکی بیی ئەو ب خو بهحسیت گوتتین وی بینه پشکهک ژ فتنئ ب خو. و ل فیئرئ دو مهسهله ههنه دقیت ئەو ل بیرا خو بینت:

- دقیت وی تهسهوورهکا دورست و تمام بو وئ مهسهلئ ههبت یا ئاخفتن ل دۆر دئتهکرن.

- دقیت ئەو ب پشتراستی و تمامی حوکهکی خودئ و پیغه مبهری -سلاڤ لی بن- د وئ مهسهلئ دا بزانت، دا بشیت حوکهکی شهوعی ل سهه رویدانی بدهت.

---

(١) ئەحمەد ژ موغیردیی کورئ شوعبهیی قه دگوهیتژت.

۴- دەمى فتنە و گرفتارى پەيدا دىن، و ئوممەت پارچە پارچە دىت، ئالايىن درەوين دىئەنە بلندكرن، و لافىتە و دورىشمىن خاپىنوك دىئەنە راكرن، و باشى و خرابى تىكەلى ئىك دىن، و گەلەك جاران گۆتتەكا حەق بۆ نەحەقىيى دىئەتە گۆتن، و حەتا باطل خۆل بەر خەلكى شىرىن كەت كراسەكى حەقىيى دكەتە بەر خۆ، ب تايىەتى ل قى زەمانى مە، زەمانى كارىن جاسوسى و سىخورىيى تىدا بووینە علم و ھۆنەرەكى پىشكەفتى.. لەو دقەت زانا وەكى عامىيان يى سادە و سەرگەرم نەبت، و ب گۆتتىن سەرڤە سەرڤە يىن قى لايى و لايى دى دەسەردا نەچت، و ئەحكامىن خۆب تەرازىيا شىرىعتى ب تىنى بكىشت؛ دا ئەو د چاقىن خەلكى دا نەبتە لايەكى مەسەلى، و راستگۆييا خۆ ژ دەست نەدەت.

و ل قىرى ئىمۇنەيەكا كورت دى ڤەگىرم: د ئەنجامى ستاندىنا عىراقى دا بۆ كوتىنى، ل سالا ۱۹۹۰، و ھاتنا ئەمىرىكا د ھەوارا دەولەتتىن كەنداقى دا، جىسەنا ئىسلامى تووشى دوبرەككىيەكا ھزرى بوو، ھندەك كۆم و دەستەكان ب ھىجەتا نەيارەتتىيا ئەمىرىكا پىشەقانىيا سەددامى كر، و ب ھزاران خەلكى سادە و سەرگەرم قولپاندنە سەر جادەيان ل درىژى و پانىيا جىسەنا ئىسلامى، و گۆتن: ئەڤا عىراق دكەت عەينى جىھادىيە.. لايى دى ب ھىجەتا پالدىنا زۆرداىيا سەددامى ب فەتوايان را چوون كو دورستە موسلمان ھارىكارىيى ژ كافرى بخوازت، و ئەڤا دەولەتتىن كەنداقى دكەت عەينى شىرىعتىيە، و عىراق تەعداكەرە! و من نەقەت ب درىژى قى مەسەلى بىژم، چونكى ئارمانجا من ب تىنى ئىمۇنەيە، بەلى من دقەت بىژم، زانايەكى وەكى ناصر دىنى ئەلبانى، كو زانايى ھەدىسى يى ئىكى ل وى دەمى ئەو بوو، ھەردو لايىن ھەڤرىكىيى



به‌رگه‌ربانین زبده کرن کو وی ب لایئ خوڤه بکیشن، و فه‌توایه‌کا ب دلئ خوڤ  
 ژئ چئ کهن، به‌لئ ئەو نه‌شیان قئ چهن‌دئ ژئ چئ کهن، چونکی ئەو ل وئ  
 باوه‌رئ بوو کو ئەو هنده‌ک حه‌قیبا ل نک ههر‌دو لایان حه‌قیبه‌کا خورئ نینه، و  
 باطله‌کئ سیاسی یئ د پشت را هه‌ی، له‌و عاطفه و حه‌ماسئ کار ل وی نه‌کر،  
 و پاشه‌رۆژئ دیار‌کر کو بوچوونا وی ژ یا ههر‌دو لایان دور‌ستتر بوو.

۵- دبت ئەو شوینوارین ژ گۆتته‌کئ په‌یدا دبن ل ده‌مئ فتنئ، نه ههر ئەو  
 شوینوار بن یئین ژ عه‌ینی گۆتنئ په‌یدا دبن ئە‌گه‌ر ئەو نه ل ده‌مئ فتنئ دئیته  
 گۆتن، ژ به‌ر قئ چهن‌دئ دقبت مروڤئ زانا ل ده‌مئ فتنئ ل گۆتنا خو‌یئ  
 هشیار بت؛ چونکی نه ههر حه‌قیبه‌کا هه‌بت و ئەو بزانت، بو وی هه‌یه ئەو وئ  
 بیژت، ب تاییه‌تی ئە‌گه‌ر وی دیت نه‌گۆتنا قئ حه‌قیبئ چو (مه‌حضورین  
 شه‌رعئ) بو نینن، و گۆتنا وئ پتر فتنئ دئارینت، جاره‌کئ سه‌حابیبئ  
 پیغه‌مبه‌ری ئەنه‌سئ کورئ مالکی حه‌دیسه‌ک ل دۆر کوشتنا پیغه‌مبه‌ری -سلاف  
 لی بن- بو هنده‌ک مروڤان ژ (عوره‌نییان) بو حه‌ججایی گۆت، ئینا حه‌سه‌نی  
 به‌صری گازنده ژ وی کرن و گۆتئ: بوچی توفئ حه‌دیسئ بو حه‌ججایی دیژئ  
 و تو دزانی ئەو مروڤه‌که هه‌ز ژ کوشتنئ دکه‌ت، و ئەو دئ قئ حه‌دیسئ بو خوڤ  
 که‌ته هیجه‌ت کو پتر کوشتنئ بکه‌ت؟! هنگی ئەنه‌س په‌شیمان بوو کو وی ئەف  
 حه‌دیسه بو وی گۆتئ.

و ل ده‌مئ فتنه د نافع ئوممه‌تئ دا په‌یدا بووی، ل سه‌ر ده‌مئ  
 سه‌حابیبیان، ئەبوو هوره‌یره‌ی دگۆت: ((دو ئامانین تژی علم من ژ پیغه‌مبه‌ری  
 خودئ -سلاف لی بن- وه‌رگرتینه، ئیک ئەوه یئ من به‌لا‌فکری، و یئ دی ئە‌گه‌ر

ئەز بېژم ئەف ستوكوره دى ئىتته برين)). مەننا: ھندەك زانين (و ئەو ھەدىسین فتنى بوون وەكى زانا دبېژن) ل نك قى صەحابى ھەبوو، بەلى وى ل دەمى فتنى ئەو بەلاش نەكر، چونكى بەلاڤكرنا وى پتر دا فتنى ئارينت، و وى نەگۆت: ما نى ئەفە علمە و ھەدىسە دڤىت نەئىتتە قەشارتن. و ئەفە مەنەجى صەحابىيان ھەمىيان بوو، ئبن مەسعود دبېژت: ((ھەر ھەدىسەكا تو بو ھندەك مرۆڤان بېژى، و عەقلى وان نەگەھتى، ئەو دى بو ھندەك ژ وان بتە فتنە)). و ئاشكەرايە كول دەمى فتنى پتر ژ ھەر دەمەكى دى عەقل دئىنە گرتن و عاطفە و سەرگەرمى ل سەر خەلكى زال دبت. لەو ھندەك جارن ل دەمى فتنى گۆتتا ھەقىيەكى يان كرنا وى ب تايەتى ژ لايى زانايىن موعتەبەر قە دبتە پتر ئاراندن بو وى فتنى، و ژ بەر قى چەندى گەلەك زانايىن سەلەفان ل دەمى فتنى نەئاخفتن باشتەر ددیت، دگۆتن: سلامەتى (يا دىنى و دنبايى) پتر د وى چەندى داىە.

و د (صەھىحا بوخارى) دا ناڤرەك ھەيە ل بن ناڤى: (من ترك الاختيار مخافة أن يقصر الناس عن فهمه فيقعوا في أشد منه) و وى ھەدىسا عائىشايى تېدا ئىنايە ئەوا پىغەمبەر -سلاف لى بن- تېدا دبېژتى: ئەگەر نە ژ بەر ھندى بايە مللەتى تە نوى ھاتىنە د ئىسلامى دا، ئەز دا كەعبى خراب كەم، و ب وى رەنگى ئاڤاكەمە قە يى ئىبراھىمى ئەو پى ئاڤاكى..

۶- و نىزىك ژ قى بابەتى دى بېژن: گۆتارا زانايىن دىنى و رەوشەنبېرىن موسلمانان ل دەمى فتنى دڤىت ل ئاستى رويدانى بت، و ئەو ئىك ژ مەزنترىن پىلانين علمانى و بىدىنان (كولىك ئىخستنا وانە) ژ بىرا

خۆ نەبەن، چونكى ئەگەر هات و قى پىلاننى جەپى خۆ كر، هنگى خرابىيا فتنى ل سەر ئوممەتنى دوجاركى لى دئىت: جارەكتى چونكى ئەو فتنەيە، و جارا دى چونكى ئەو دبتە ئەگەر نەمانا باوەرىيا خەلكى ب زانا و دىنداران ژ بەر وئ گۆتارا وان يا هەڤر كىيى سست و لاوازكرى، و قانعبوننا وان ب خىطاب و گۆتارا علمانىيان ئەوئىن هەر دەليشەيەكا هەبت بۆ خۆ ئستغلال دكەن دا دربى خۆ بوەشىننە دىنى و دىنداران.

و باشتىن نمونە ل سەر قى چەندى ئەو هەڤر كىيە يا د ناقبەرا ئىخوان و سەلەفيان دا ب هاتنا داعش پەيدا بووى، دەمى هەر ئىك ژ وان ل شوينا خەلكى تى بگەهينن كو داعشى چو پەيوەندى ب ئىسلامى و موسلمانان قە نىنە، و ئەو ئالا و دورىشمى دىنى يى وان راكرى درەو، ئەو رابوون كل و مل كار بۆ هەندى كر كو دەسپەلاتىن بچويك و مەزن و بىدىنىن خۆيانى و بيانى وه تى بگەهينن كو داعش چىكرى و دەرچووئىن لايى دى يى ئىسلامينە، و وان چو پەيوەندى ب مە ب خۆ قە نىنە!

و مە دىت ب گۆتن و نقيسين چاوا قى لايى بەلاڤكر كو مەزىن داعشى پەرور دەكرىيىن ئىخوانانە و دەرچووئىن مەدرەسا وانە.. و هەندەكان ژ لايى دى ب هەندى رازى نەبوون كو داعشى بۆ سەلەفيين نوكة ب تنى پالەدن، بەلكى ئەو رابوون (ئىسبات كر) كو رەھ و رىشالىن داعشى يىن هزرى بۆ بىر و بۆچوون و كىتیبىن ئىمام ئەحمەد و ئبن تەيمىيە و محەمەدى كورئى عەبدلوهابى دزقرن!

د ئەنجام دا - ژ دهولت سهری قی خیطابا مه یا دینی - ل دهمی ئنترنیت و نه مانا توخوبیان، کار بو هندی هاته کرن ل نک مه کتیبین دهه زانایان بینه مه نه کرن، ل وی دهمی خه لک شهرم دکهن به حسی مه نه کرنا کتیبان بکه ن، و ئەفرۆ ئەف دهه ژ قی لایی، و سویاهی دهه تین دی ژ لایی دی، و هه تا..

و قی سوجه تی (نوکتیه ک) ئینا بیرا من: دیژن: جاره کی زه لامه کی گۆته ژنکا خو: تو وه کی چیلانی! وی گۆت: نه خیر، ئەز وه کی خه زانام! زه لامی گۆتی: فه رق نینه، هه ردو هه یوانن..

سه له فی دیژن: داعش ئیخوان، و ئیخوان دیژن: داعش سه له فینه.. و علمانی دیژن: فه رق نینه، هه ردو ئیسلامینه!

7- دقیت زانایی دینی ژ بیرا خو نه بهت کو دبت هنده ک جاران ل بن گفاشتن و پیه ستا واقعه کی دژوار مرۆف مه جبوور بیت تشته کی (مه رجوح) بکه ت، یان نه هیهی ژ (مونکه ره کی) نه که ت، ئەگه هات و ئەو چهنده چیتر بت، و مه عنا قی ئەو نینه وی تشتی راجح نه قیت، یان ئەو بی رازییه ب مونکه ری، نه خیر.. بیده نگی نه هه می گافان نیشانان رازیبونیه، و نه هه رفاندنا پیغه مبه ری - سلاف لی بن - بو که عبی و نوی ئافاکرنا وی وه کی د هه دیسا عایشایی دا هاتی، باشترین ده لیله ل سه ر قی چهندی.

8- له زکرن د ته نزبلا هه دیستین فتنی دا ل سه ر واقعی نه ژ کارین مرۆقی زانایه، چونکی ئەم دینین هه ر جاره کا فتنه کی د نا ئ ئومه تی دا سه ری خو هلا، هنده ک که س دی لی گه رپین هنده ک هه دیسان ئینن چ ددورست بن یان نه، یان هه تا د مه وضوع ژی بن، و دی بیژن: ئەفه هه دیسه به حسی قی

فتنییه یا نوکه د ناف مه دا پیدابووی، و یا ژ وان فه ئه ب قی چندی  
خزمه تا هدیسی دکهن، و ئعجازا پیغمبهری -سلاڅ لی بن- بهرچاڅ دکهن،  
و ئه ب خو ئه فه نه ژ مهنه جی سونه تییه، بهلکی یا واجب ل سهر زانایان  
ئه وه ئه وه ههردهم خه لکی ناگهدار بکهن، و ژ فتنی بدنه پاش، و بیرا وان  
ل هدیسی فتنی بیننه فه بیی ئه وان -ل دویف ته خمین و ئجتهدا خو-  
ل سهر واقعه کی ده سنی شانگری ته نزیل بکهن.

